

**BEBIKISH
DIBAAKONIWEWIN**

MAAMAWIBII'IGAADEG

ISHKWAAWAACH WIINDAMAAGEWIN



**Bebikish
Dibaakoniwewin Gaa-
Naagajichigewaan**

2021



Zhingwaak Gikino'amaadiiwigamig imaa Baawiting gii-ayaawag gikino'amawaaganag 1878 biinish 1970. Noo-ngom dash ayaamagan imaa maawach bezhig emichaag gaa-izhi-ganawenjigaadegin mazinaakizonan gaye wiindamaagewin gaa-gii-izhiseg gii-ayaamagak.

Aapiji gii-zhiibendamowag igi gaa-gii-baatiinowaad gaa-gii-dazhindamowaad gaa-gii-izhi-gagwaadagi'indwaa gaye gii-nishiwanaaji'indwaa. Gichi-inendaagoziwag gii-zhiibendamowaad gaye gii-zoonganinig odizhitwaawiniwaa.¹

Manoominigiizis 19, 2007 gii-inangizod, Gete-gikino'amaadiiwigamigoon Nakobii'igan (IRSSA gemaa Nakobii'igan) gii-achigaade. Iwe IRSSA gii-izhiseg, amii gii-okosemagak gaye gii-aanike-dazhiikigaadeg gaye gii-maajii-gagwe-miinosijigaadeg gaa-gii-izhi-maanzhichigemagakini ini Gete-gikino'amaadiiwigamigoon omaa Gaanada Akiing.²

Bezhig gegoon gii-onjiimagan imaa inenjiganing, mii iwe Bepikish Dibaakoniwe-win (IAP) ji-dazhiikigaadegin ini giuwe-diba'amaagoowinan gaa-gii-nishiwanaaji'indwaa gikino'amawaaganag, gii-miigaanindwaa, gaye godak gaa-gii-izhi-maanzhidoo-dawindwaa gii-izhaawaad Gete-gikino'amaadiiwigamigong. 13 daso aki gii-ani-izhiseg, awashime 26,700 gii-dashiwag gaa-gii-dibaajimowaad gaa-gii-doodawindwaa, awashime 27,800 awiyag gii-diba'amawaawag gaye \$3.23 daso-minik biniyan daswaabik gii-diba'amawaawag.³ Amii enaak niibiwa awiyag e-gii-maamawi-dibaakonigewaad ji-giwe-diba'am-awindwaa gaa-gii-maanzhidoodawindwaa omaa Gaanada Akiing imaa Gete-gikino'amaadiiwigamigong gaa-gii-ozhichigaadegin.

Odaanaang - Ezhiseg gaye Eshkoseg Gikino'amaadiiwigamigong onji:

1883 gii-izhiseg Gaanada Ogimaawiwiniwag gii-inaakonigewag ji-ozhichigaadegin gikino'amaadiiwigamigong ge-izhaawaad anishinaabensag. Ini Gete-gikino'amaadiiwigamigong gaa-gii-atood Gaanada Ogimaa igi dash Ana-mi'ewiniwag ji-naagajitoowaad - gii-izhichigaade ji-odaapinindwaa anishinaa-bensag ji-bakewinaawaad oniigi'igowaa' ji-booni-anishinaabewaadiziwaad.⁴ 1900 gii-izhiseg, 61 gii-dasnoon gikino'amaadiiwigamigong gakina akiikaan-ing gaawiin eta New Brunswick gaye Prince Edward Island. Apii ishkaawaach iwe Gete-gikino'amaadiiwigamig gii-giba'igaadeg 1997 gii-izhiseg, awashime 150,000 Anishinaabeg Eshkiimeg gaye Wiisaakodewiniwag gii-izhaawag imaa 140 gikino'amaadiiwigamigong.⁵

¹ Gechi-inendaagozid Stephen Harper, Gaanada Ogimaa, "Nimijinawezimin gaa-gii-izhiseyeg gii-izhaayeg Gete-gikino'amaadiiwigamigong" *Wiindamaagewin (Hansard)*, Gaanada Akiing, Onakonigewigamigong, Ogimaawigamigong 39th Onakonigewigamigong Abiwaad, maz. 142, agind. 110 (Aadaawaang, Gaanada Aki Onakonigewigamigong, Ode'iminigiizis 11, 2008)

² Gakina iwe gaa-ozhibii'igaadeg gaa-gii-izhiseg apii Gete-gikino'amaadiiwigamigong Nakobii'igan (IRSSA) bizaanigo daa-waabanjigaade: <http://www.residentialschoolsettlement.ca/settlement.html>

³ dago dash owe gii-inakamigak, iwe IAP gaye o-gii-bizindawaawaa' ini gaa-gii-waabanjigayeg gaye ini gaa-gii-anaamimindwaa e-gii-maanzhichigewaad, gaye giyaabi gii-noondawaawag gaa-gii-maanzhidoodawindwaa. Maamaw igi gaa-gii-diba'amawindwaa gaa-gii-inaakonigewaad igi dibaakoniwe-winiwag (23,425) gaye igi gaa-gii-ondiziwaad NSP (4,144) minik. Iwe maamaw gaa-gii-diba'amawindwaa igi gikino'amawaaganag, giwe-diba'am-aagoowinan gaye gaa-gii-diba'amawindwaa dibaakonigewiniwag Gaanada Ogimaawiwiniwag gii-diba'igemagan.

⁴ Wawezhichigewin Ogimaa Hector Langevin, *Hansard*, Namebinigiizis 22, 1883 gii-izhiseg; Duncan Campbell Scott, Ogimaawid Zhooniyaa Ogimaakaang, (1920), Gaa-izhi-ganawenjigaadeg Gegoon Gaanada Akiing, Maamawichigan 10, maz. 6810, biskiiiginigan 470-2-3, maz. 7, baakiiginigan 55 (L-3) gaye 63 (N-3), gaa-izhibii-igeed John Leslie, *Ozhichigaadeg iwe Anishinaabe Inakonigewin, 2nd maz.* (Aadaawaang: Zhooniyaa Ogimaakaang gaye Giiwediniwag, Nakobii'iganan gaye Odaanaang gaa-gii-izhiseg Nanaandoo-gikenjigewin, 1978) baak. 114.

⁵ Aazha bi-izhise e-ganawaabanjigaadeg aaniin gaa-gii-doojigemagakini ini Gete-gikino'amaadiiwigamigong Gaanada Akiing: waabandan Debwewin gaye Gwayakosijigewin Izhichigewin Gaanada Akiing, *Gichi-inenjigaadeg Debwewin, Gwayakosijigaadeg Ge-ani-akiwang. Gaa-maamawibii'igaadeg Debwewin gaye Gwayakosijigewin Izhichigewin Wiindamaagewin* (Toronto: James Lorimer & Co., 2015).



A washime ngodwaak daso-biboon awashime ngodwaak Gete-gikino'amaadiiwiga-migoon gii-ayaagin, gaawiin naasaab gii-izhisesiiwag abinoojiyag gaa-gii-izhaa-waad Gete-gikino'amaadiiwigamigong gaye gaa-gii-izhi-ayaagin. Mii dash wiinigo ezhi-gikenjigaadeg gaawiin gii-onizhishinzinoonan ini Gete-gikino'amaadiiwigamigoon e-gii-maanzhidoowindwaa abinoojiyag gaye odina-wemaaganiwaa' gaye odizhitwaawiniwaa'. Niibiwa gikino'amawaaganag gii-miigaanaawag, gii-gagwaadagi'aawag gaye gii-nishiwanaaji'aawag.

Aanii dash gaa-gii-onji-dibaakonaawaad Gaanada Ogimaawiwinaan gaye Anami'e-wigamigoon igi gaa-giizhaawaad Gete-gikino'amaadiiwigamigong. Jibwaa-ozhichigaadeg iwe Gete-gikino'amaadiiwigamigong Nakobii'igan, ngojigo 20,000 gii-dibaakonigewag gikino'amawaaganag gaye ngojigo midaaso-shi-niizh gete-gikino'amawaaganag gii-dibaakonigewag.⁶ Gaawiin dash gii-inendaagosinon owe dinookaan dibaakonigewin ji-onizhi-shinzingo ji-debinamowaad giiwe-diba'amaagoowin. Gii-aakoginde, ginwesh gii-dazhiikigaade, gaye gii-zanagan inaakonigewin.

Mii gegaa naasaab iwe gii-izhiseg, godak awiyag gaye maamawi-izhichigewinan gii-gagwe-mikigaade aaniin ge-minosegiban ji-nisidawinigaadeg gaye ji-gagwe-dazhiikigaadeg gaa-gii-doojigemagakin gete-gikino'amaadiiwigamigoon. Ginwezhiish

dash aanind izhichigewinan gii-ikidowag e-minjinaweziwaad gaa-gii-izhi-dagwiiwaad gete-gikino'amaadiiwigamigong.⁷ 1998 gii-izhiseg, Gaanada Ogimaawiwinaan o-gii-ozhitoonaawaa Anishinaabeg Ji-nanaando-gikenimindwaa Gaa-gii-bi-izhisewaad, iwe dash gaa-gii-izhi-dibaaji-moomagak "Gagwe-gwayakosijigaadeg gaa-gii-izhi-maanzhichigemagakin ini Gete-gikino'amaadiiwigamigoon niibiwa o-da-maamawi-dazhiikaanaawaa" amii dash gaa-ikidoomagak ji-ozhichigaadeg gichi-gagwedwewin, ji-giiwe-miinindwaa igi gaa-gii-maanzhidoowindwaa ji-noojimowaad, gaye ji-diba'amawindwaa.⁸ Gaanada Ogimaawiwinaan dash gii-nakwetam "ji-wiiji'aawaad ini gaa-gii-maanzhidoowindwaa ji-noojimowaad ji-nisidawinigaadeg gaa-gii-inishkaago-waad maanzhidoowin Gete-gikino'amaadiiwigamigong" gaye "ji-dahinji-gaadeg gaawiin wiin ji-dibaakonigeng".⁹

1998-99 gii-izhiseg, Ogimaawiwinaan enokiitamaagewaad gaye Anami'ewigami-gong enokiitamaad, gaye Anishinaabe izhichigewinan, gaye gete-gikino'amawaaganag "o-gii-maajii-dazhindaanaawaa" aaniin ge-gii-izhichigaaniwangiban ji-gagwe-gwayakosijigaadeg Gete-gikino'amaadiiwigamigoon gaa-gii-izhisegin.¹⁰ Mii gaa-izhi-maajisegin oshki-izhichigewinan ji-gojiitoowaad aaniin ge-gii-izhi-gwayakosidoowaad gaa-gii-maanzhidoowindwaa, bakaan ji-gagwe-izhichi-gaadegin gaawiin wiin daabishkoo dibaakonigoowin. Gii-waabanjigaadegin ono oshki-izhichigewinan gii-onjisemagan ge-gii-biminizha-igaadegin ji-izhichigeng ji-dibaakonigeng ani-akiwang.¹¹

⁶ Jibwaa-ayaamagak dash iwe Nakobii'igan, bezhig eta inaako-nigewin gii-achi-gaade dibaakonigewigamigong: *Marlene Cloud gii-dibaakonaad Gichi-Dibaakoni-ge Ogimaa Gaanada Akiing (2004)*, 73 O. R. (3rd) 401 (CA).

⁷ Ogo gii-dagwiiwag Mekadewakanayeg Oblates of Mary Immaculate (1991); Zhaaganaashii Anami'ewigamig Gaanada (1993); Presbyterian Anami'ewigamig Gaa-nada Akiing (1994); Maamaw Anami'ewigamig (1998); gaye Gaanada Zhiimaagani-nishag (2004) 1998 gii-izhiseg, Zhooniya Ogimaa gaye Giiwedind Ogimaa gii-ozhibii'ige "Ji-gwayakosijigaadeg" iwe Gaanada Ogimaawiwinaan e-minjinaweziwaad gaa-gii-izhisewaad "Igi gaa-gii-maanzhidoowindwaa" gete-gikino'amaadiiwigamigong gii-miigaanindwaa gaye gii-nishiwanaaji'indwaa.

⁸ Gaanada Aki, Anishinaabeg Ji-nanaando-gikenimindwaa Gaa-gii-bi-izhisewaad, *Owiindamaagewiniwaa Anishinaabeg Ji-nanaando-gikenimindwaa Gaa-gii-bi-izhisewaad* (Aadawaang: Ogimaa Gaa-naagajitood Ge-aabadakin gaye Wiiji'iwewinan, 1996).

⁹ Gaanada Akiing, Zhooniya Ogimaa gaye Giiwedind Ogimaa, *Maamawinigaadeg Zoongiziwin: Gaanada Aki enendag Ji-izhichigeng* (Aadawaang: Ogimaa Gaa-naagajitood Wawezhichigewin gaye Gaanada Aki Wiiji'iwewinan, 1998).

¹⁰ Gii-maamawibii'igaadewan ono dazhinjigewinan Gaanada Zhooniya-ogimaa gaye Giiwedind Ogimaa, *Gwayakosijigewin gaye Noojimowin: Bakaan Ge-gii-izhichigeng ji-doodamowaad gaa-gii-izhaawaad Gete-gikino'amaadiiwigamigong* (Aadawaang: IAND, 2000).


¹¹ Thomas Kaufman & Associates, *Waabanjigaadeg Aaniin Ge-izhi-gwayakosiji-gaadeg gaa-gii-maanzhidoojigemagakin Gete-gikino'amaadiiwigamigoon: Ishk-waawaach Wiindamaagewin* (Toronto: Aaniin ge-izhi-gwayakosijigaadeg gaa-gii-maanzhidoojigemagakin Gete-gikino'amaadiiwigamigoon Gaanada Aki, Binaakwe-giizis 11, 2002).

2 001 gii-izhiseg, Gaanada Aki ogii-ozhitoonaawaa Ozhibiigewigamig Ge-izhi-dazhiikigaadeg Aaniin Ge-izhi-gwayakosiji-gaadeg gaa-gii-maanzhidoojigemaga-kin Gete-gikino'amaadiiwigamigoon (IRSRC) ji-maamawi-dazhiikigaadegin ini gaye aanjiike gaagiigidowinan, gii-maajichigaade dash Bakaan Gwayakosijigewin (ADR) izhichigewin 2003 gii-izhiseg. Gii-maajichigaade gete-gikino'amaadiiwigamigoon Dibaakoniwewin Ozhibiigewigamig ji-dazhiikigaadegin ini gwayakosijigewinan, o-gii-niigaanish-kaan Ogimaa Dibaakonigewinini. Awashime 7,600 ADR dibaakonigewinan gii-dagoshinooaganon Gashkadino-giizis 2003 biinish Migiziwi-giizis 2007.

Niibiwa igi gaa-gii-anokiitamowaad ADR gii-inendamooq nawach ji-onizhishing owe apiich wiin geteya'll dibaakonigewin. Gaa-maamawinowaad Anishinaabeg (AFN) gii-inendamooq iwe ADR nawach ji-onizhishing iwe, nawach wiiba ji-diba'amawindwaa Anishinaabeg

gaye gaawin da-agindesinon, gaye ji-dagwiiwaapan Anishinaabeg izhichigaaniwang gegoon ge-izhi-mino-dazhinjigaadeg iwe. AFN dash gaye o-gii-wiindaanaawaan gaa-onizhishinoninogin daabishkoo ge-ina-gindeg, ginwesh ji-izhiseg ngoding, gaye bebakaan minik ji-ondizing bakaan on-jiiwaad awiyag, gaye dinookaan anami'ewigamigoon gaa-gii-dagwiimagakin, gaye gaawin aanind dinookaan ji-bagidinigaadegin, gaye ozaam ji-ashijiing imaa Gaanada Ogimaawining.¹²

Amii naasaab gaa-inendamowaad igi gaa-gii-waabangewaad imaa Ogimaawiga-migong Gaa-Niibawimagak Izhichigewin Anishinaabe Ogimaawin gaye Giiwe-dinong Ozhichigewin. Iwe Izhichigewin 2005 gaa-gii-ozhibii'amowaad wiindamaagewin gii-ikidooagan ADR ji-boonichigaadeg.¹³ Iwe Ogimaawigamig gii-inaakonigewag ji-naabishkigaadeg iwe ADR gii-inaa dash Gichi-Ogimaawin ji-ozhitoowaad oshki-izhichigewin niimidana dasogon izhisenig.



Phil Fontaine

Gete-gikino'amaadiiwigamigong Nakobii'igan:

Naagach dash Gaanada Ogimaawin Namebini-giizis gii-izhiseg 2005, gaye AFN o-gii-nakobii'aanaawaa Maamawi-inendamowin ji-debinamowaad ge-aabajichi-gaadeg ji-gashkichigaadeg dibaakonigewin ji-ondizing zhooniyaa. Gii-ishkwaa-gaagiigidowaad, Gaanada Ogimaawin gaye AFN gaye Eshkiimeg gaye gete-gikino'amawaaganag gaa-maamawinowaad gaye dibaakonigewininiwag gaa-ganootamawaawaad gikino'a mawaaganag gaye Anami'ewigamigoon, iwe Gete-gikino'amaadiiwigamig Nakobii'igan gii-nakobii'igaade Namebini-giizis 10, 2006 gii-izhiseg. Gii-ishkwaa-minwaabandamowaad dibaakonigewigamigong gaa-anokiwaad akiikaaning iwe nakobii'igan dago gaye 6 daso-giizis gaa-izhiseg, iwe IRSSA gii-izhiseagan ji-odaapinigaadeg, maawach mechaag Dibaakoniwewin omaa Gaanada Akiing - Manoominigiizis gii-bimangizod 19, 2007.

Iwe IRSSA gii-inwaade ji-debinamowaad gete-gikino'amawaaganag diba'amaa-goowin gaye gaawin eta zhooniyaa gete-gikino'amaadiiwigamigong gii-onji-maanzhidoodawindwaa. Ono gii-dagwiimaganon imaa Debwewin gaye Gwayakosijigewin Izhichigewin gaye zhooniyaa ji-aabadizid ji-mikwenjigaadeg gaa-gii-izhisewaad gikino'amawaaganag gaye Anishinaabe Noojimowin gaye Gaanada Aki Mino-ayaawin.

Miinawaa gii-dagwiimaganon niizh izhichigewinan ji-diba'amawindwaa gaa-gii-zhaabwiiwaad Gete-gikino'amaadiiwigamigong. Owe Gikino'amawaagan Diba'amaagoowin gii-nisidawinigaade ji-diba'amawind-waa gakina gete-gikino'amawaaganag gaa-gii-izhaawaad Gete-gikino'amaadiiwigamigong jibwaa-izhiseg December 31, 1997, \$1.6 biniyan minik daswaabik gii-miinaawag, ngojigo \$20,457 endaso-gikino'amawaagan gii-miinaa.¹⁴

Iwe IAP gii-inwaade ji-diba'amawindwaa igi gaa-gii-nishiwanaaji'indwaa gaa-gii-miigaanindwaa gaye gaa-gii-maanzhidoodawindwaa bakaan inake gii-izhaawaad gete-gikino'amaadiiwigamigong. \$275,000 ako minik gii-diba'amawaawag gikino'amawaaganag, nawach gaa-gii-nishiwanaaji'indwaa nawach niibiwa gii-diba'amawaawag.¹⁵ Gii-odaapinigaadewan IAP mooshkinebi'iganan Manoomini-giizis 19, 2007 gii-izhiseg biinish Manoomini-giizis 19, 2012.¹⁶

¹² Gaa-maamawinowaad Anishinaabeg, *E-wiindamaageng Gaanada Ogimaawin Gwayakosijigewin Ozhisiigewin ji-diba'amawindwaa igi gaa-gii-maanzhidoo-dawindwaa Gete-gikino'amaadiiwigamigong* (n.p.: Gaa-maamawinowaad Anishi-naabeg, 2004) Waabandan gaye K. Mahoney, "Dibaakoniwewin: Enendamaa."

¹³ Gaa-maamawinowaad gaa-gii-inaawaad Gaa-niibawimagak Izhichigewin gaa-gii-waabangewaad, waabandan Paulette Regan odoozhibii'igan, *Ji-wiindama-wind Wemitiigooshi: Gete-gikino'amaadiiwigamigong, Debwewin, gaye Gwayako-sijigewin Gaanada Akiing* (Vancouver: UBC Press, 2011), pp. 125-136.

¹⁴ "Wiindamaagewin gaa-izhiseg Gikino'amawaagan Diba'amaagoowin Manoomini-giizis 19, 2007 biinish Migiziwi-giizis 31, 2016," *Gaa-aginijigaadeg Gii-doodamo-waad iwe IRSSA Gete-gikino'amaadiiwigamigong*, Gaanada Akiing, Gaa-inaaban-diwaad Ogimaawining gaye Anishinaabeg, Gaanada Akiing, Gaa-dakwasiged giizis 19, 2019, <https://www.rcanc-cirnac.gc.ca/eng/1315320539682/1571590489978>. Owe minik \$1.9 biniyan daswaabik gii-miinaawag CEP gikino'amawaaganag. Giishpin gaawin deminik gaa-inenjigaadeg, nawach miinaawaa daa-asaa. Giishpin ishkosed zhooniyaa, amil gaa-gii-izhiseg, gii-aabadizi awe zhooniyaa ji-miinindwaa CEP gete-gikino'amawaaganag gaye odinawemaaganawaa ji-izhi-aabajii-aawaad gikino'amaagoowin inake.

¹⁵ Iwe IAP gii-izhichigemagan bizaanigo gete-gikino'amawaagan nisweya'ii ji-izhi-dibaakoniged: e-gii-wanitood odanokiwi-ondiziwin (AIL); giishpin izhinaag-wag nawach niibiwa gii-inaapaninaa ge-gashkitoosigiban ji-ondizid dibaakoniged imaa IAP onji; gemaa giishpin godak inake gaa-maanzhidoodawind awe gete-gikino'amawaagan, ozaam dash daa-zanagendaagwan ji-dibaakoniged dibaako-nigewigamigong, nawach dash bakaan ji-izhichigeng ji-ondizid awe gikino'ama-waagan. Gaawin daa-giishkinaasi minik ge-diba'amawindaban awe gikino'amawaagan. Inii Ail awashime \$250,000 minik gaa-gagwe-ondizing imaa Dibaakoniwewin Nakobii'igan Izhichigewin daa-izhinizha'igaadewan.

¹⁶ Igi gaa-anokiitamowaad dibaakonigewigamigoon gaa-ganawaabanjigemaga-kin gii-ikidowag IAP mooshkinebi'iganan gaa-dagoshinooagan Manoominigiizis 2, 2013 giyaabi bezhig gikino'amaadiiwigamig (Mistassini) e-gii-dagoshinoo-magaki Manoominigiizis 19, 2012 gemaa jibwaa-izhiseg iwe daa-inendaagwan. 2018 gii-izhiseg Kivalliq Hall gii-dagonigaade imaa gete-gikino'amaadiiwigamig-oon gaye gii-ikidom Gichi-manidoo-giizis 25, 2020 ji-odaapinigaadeg mooshkine-bii'iganan imaa gikino'amaadiiwigamig onji. Inii dibaakonigewigamigoon gaa-ganawaabanjigemagakin gii-ikidowag mooshkine-bii'iganan ji-dazhiikigaadegin imaa Blott & Company (Gichi-dibaakonigewigamig Alberta, 2012) ji-odaapinigaadegin inii mooshkinebi'iganan jibwaa-izhiseg iwe.

Egagwe-debinigaadeg imaa IAP:

Iwe IRSSA niibiwa o-gagwe-debinaanaawaa imaa naasaab inendamowin aaniish naa bebakaan odizhi-andawendaanaawaa gaa-dagwiiwaad, gaye gaa-izhisemagak miziwe omaa, gaye dibaakonigewining. Gaye IAP gii-inendamooq ji-wiinjigaadegin gaa-gagwe-debinamowaad ji-bimini-zha'igaadegin dash imaa Gaa-Naagaji'iwewaad bimiwidoowaad iwe IAP.

Debinigaadeg Inaakonigewining: Amii gaa-inendamowaad ji-debinigaad endaw-enjigaadeg dibaakonigewining, IAP owe da-izhichigemagan:

- ji-mino-diba'amawindwaa igi gaa-gii-nishiwanaaji'indwaa gaye gaa-gii-gichi-inaapinanindwaa gaye godak gaa-izhi-maanzhidoowindwaa gikino'amawaaga-nag gete-gikino'amaadiiwigamigong;
- ji-maamawiginjigaadegin gaye ji-gii-izhichigaadegin ini dibaakonigewinan gaa-gii-onjisegin gii-izhaang Gete-gikino'amaadiiwigamigong, gaye;
- ji-izhiseg ji-gikenjigaadeg debwe iwe e-gii-izhiseg, gaye ji-wiindamawind awe gaa-gii-maanzhidoowaad gaa-inind e-gii-izhichiged ji-noondawind.

Maaminonendamowin: Gii-zanagan ji-gagwe-gwayakosijigeng megwaa gii-inindwaa gaa-gii-zhaabwiiwaad ji-gagwe-diba'amawindwaa e-izhichigaadeg dash ji-miigaa-damowaad iwe dibaakonigewin. Gii-ikidoomagan iwe Gaa-gii-naanaagadawaabanjigaadeg Ezhisewaad Anishinaabeg, "Gaawin daa-bizaanendaagwazinoon gaa-gii-izhiseg giishpin gwayakosesinog."

Noojimowin - Gikino'amawaagan Imaa Nisaw Ayya: Amii gaa-izhichigaadeg iwe IAP awe gikino'amawaagan nisaw ji-danakamigizid. Nitam gii-ozhibii'igaadeg iwe Wiindamaagewin, iwe IRSAS gii-ikidoomagan: "Iwe gii-noondawindwaa gikino'amawaagan inwaade ji-nagishkodaadiwaad gakina gaa-dagwiiwaad



Awashime 26,000 bizindaagewinan gii-ayawan IAP gii-ayamagak.

ji-noojimong gaye gwayakosijigewin ji-debinigaadeg gaa-gii-inwadamowaad igi gaa-gii-ozhibii'amowaad iwe Nakobii'igan.¹⁷

Agindaason gii-achigaade ji-ziidonindwaa igi gaa-maanzhendamowaad gii-dazhindamowaad gaa-gii-izhisewaad gete-gikino'amaadiiwigamigong. Gikino'amawaagan gii-izhitamawaa ji-ziidonigod anokii'aaganan gaye ji-wiiijiwig-od gichi-ayaan, aanikanootamaagen, gaye inawemaaganan dibaakonigewining. Gikino'amawaagan gaa-inendanzig ji-anokii'aad dibaakonigewiniwan gii-izhita-mawaa Ziidoniwe-Anokiimaagan ji-wiiij'igod. Endaso-gikino'amawaagan bizaanigo aaniindi gaa-inendang ji-dazhi-dibaakoniged gaye giishpin ji-ikwewinid gemaa ji-ininiwinid ini dibaakoniwewinini. Bakesijigening gii-dazhi-dibaajimo awe gikino'amawaagan, bizaanigo gaye giish-pin andawendang ji-nookwezod, ji-nagamong gemaa ji-anami'aang. Gii-gichi-inendaagan owe gii-izhichigeng aaniish naa o-gii-gashkitoon awe giki-no'amawaagan ji-dibaajimod gaa-gii-izhised gaye dash ji-onji-dibaakonigeng iwe gaa-gii-inaajimod. Gii-ishkwaaseg dasing, igi Gaanada Ogimaawining gaye Anama'ewigamigong gaa-onji-dibendaagoziwaad ako gii-ikidowag enendamowaad e-minjinaweziiwaad iwe e-gii-izhised awe gikino'amawaagan. Gaye, gii-miinaawag igi gaa-gii-debinamowaad diba'amaagoowin zhooniyaa ge-aabaj'aaawaad aanjike ji-noojimowaad.

Gii-wiindamawaawag

Gikino'amawaaganag: Iwe IRSSA gii-izhichigemagan ji-wiindamawindwaa gikino'amawaaganag iwe Nakobii'igan ezhiseg. Gii-dagonigaade Wiindamaagewin Niigaanendamowin, gaye agindaaso ge-izhi-giigidod ji-gikendang giiaabi, gaye ji-gikendang aaniin apii ge-ishkwaaseg ji-mooshkinebii'iged gaye eyaamagakin ziidonigewinan.

E-gagwe-debinigaadeg Ge-izhichigeng:


IRSSA gii-ikidoomagan ini IAP dibaakonigewinan ji-dazhiikigaadegin gaawin dabazhiish 2,500 minik endaso-biboon. Gaye gii-ikidoomagan gikino'amawaaganag ji-noondawindwaa 9 daso-giizis gii-ishkwaa-maajiniza'amowaad mooshkinebii'igan "gemaa ngojigo iwe apii" gaye gakina dibaakonigewina ji-gii-izhichigaadegin ango-biboon gaa-ishkwaa-giishkiseg IAP mooshkinebii'igewin.¹⁸ Gaye, gii-ikidoomagan dibaakoniwewininiwag ji-ozhibii'amawaawaad ini gikino'ama-waaganan enaakonigewaad 30 dasogon izhiseg Dibaakonigewin, gemaa 45 dasogon giishpin Nawach Zanagak dibaakonigewin.¹⁹ Dibaakonigewigamigong gii-onjiimagan owe ikidowin zhooniyaa ge-andodam-aaged awe dibaakonigewinini gaa-giigidooamawaad gikino'amawaaganan da-ikido dibaakoniwewinini aaniin minik onizhishin ge-inenjigaadeg.²⁰

¹⁷ IRSAS, *Wiindamaagewin 2008* (Aadawaang: IRSAS, 2008), p. 11


¹⁸ IRSSA, *Ozhibii'igan 6.03*

¹⁹ IRSSA, *Gaa-izhiseg D, Wagonen III (k) (ii)*. Nawach Zenagak gii-achigaade giishpin gikino'amawaagan gaa-ikidod e-gii-wanitood anokii-ondziwin gemaa godak maanzhisewin iwe onji IRSSA, *Gaa-izhiseg D, Wagonen III (b) (iii)*.

²⁰ *Fontaine edibaakonaad Gaanada Aki (Gichi-dibaakonige-ogimaa)*, Dibaakonigewigamig biskiiiginagan 00-CV-192059CP, ONSC, Migiziwi-giizis 8, 2007, paras. 18 zhigo 19.



IAP mooshkineebii'igan wiiji' iwe-mazina'igan o-gii-wiiji-igowaa gikino'amawaaganag ji-nisidotamowaad giishpin IAP ji-izhichigewaad gaye o-gii-wiindamaagonaawaa aaniin ge-izhi-mooshkineebii'igewaad IAP mazina'igan.



Mazinaatesijigan "Telling Your Story" (Wiindamaageying Gidibaajimowin) gii-waabanda'aawag gikino'amawaaganag wegonen ge-waabandamowaad IAP bizindaagewining.

IAP **Bebikish Dibaakoniwewin:**

Iwe IAP gaye jibwaa-dibaakonigeng Ozhiitaawin: Iwe dibaakonigewin gii-maaji-chigaade gii-mooshkineebii'igeng e-ikidong gikino'amaadiiwigamig gaa-gii-izhaad gikino'amawaagan gaye gaa-izhi-maanzhidoowind. Gii-inaaganiwi awe gikino'amawaagan ji-wiinaad gaa-gii-maanzhidoowaad, ji-wiindamawindwaa e-gii-maajichigaadeg dibaakonigewin.

(Daa-onizhishin) ji-anokii'ad dibaakonigewinini gii-inaawag gikino'amawaaganag. Ini mooshkineebii'iganan gii-waabanjigaadewan ji-onisijigaadegin ji-odaapinigaadegin aaniish gii-ikidowag IRSSA wegonen ge-ganawaabandamowaad. Nitam gii-odapinaawag gikino'amawaaganag gaa-aakoziwaadiziwaad maagizhaa nibowaad gemaa gashkitoosigwaa ji-dibaajimowaad dibaakonigewigamigon.

Jibwaa-bizindawind, endaso-gikino'amawaagan gii-miigiwe ozhibii'iganan ge-zii-doshkaagod odibaakonigewining daabishkoo mazina'iganan Anokiiwining onji, Anokiiwin Daaksis, Gibaakowidiwigamigong, gemaa andawi'iwewin. Gaanada Ogimaawiwining gii-miigiwe mazina'iganan gaa-ikidoomagakin debwe e-gii-izhaad imaa gikino'amaadiiwigamigong gaye wegonen wezhibii'igaadeg e-gii-maanzhidoowaad awiyan(a').²¹

Ngoding, gii-gaagiigidowag giigidowining jibwaa-bizindawindwaa gikino'amawaaganag giishpin ji-debising IAP dibaakoniwewin, gemaa Gaa-zana-gakin Dibaakoniwewinan, gaye ngoding, giishpin wii-diba'amawind gaa-gii-ishkwaa-bimaadizid aazha gete-gikino'amawaagan.

Iwe IRSSA gii-ikidomagan bizaanigo ji-dibaakonigeng gaawin memwaach imaa Dibaakoniwewin Nakobii'igan Izhichigewin (NSP), giishpin minji-niizh gikino'amawaagan odibaakonigewininiiman gaye Gaanada Aki gaa-inendamowaad bizaanigo.²² Giishpin gaa-gashkichigaadesinog ji-debinigaadeg diba'amaagoowin imaa NSP, ndawaach Gaa-dibaakoniweng Izhichigewin daa-aabadan.

Iwe IAP Bizindaagewin: Gikino'amawaagan gii-ikido aaniindi ge-dazhi-bizindawind, giishpin gaye ge-ininiwid ikwewid awe ge-bizindaaged, gaye giishpin ge-gashkitoowaad ji-ayaawaad gakina imaa, ji-izhiseg iwe bizindaagewin. Jibwaa-bizindawind gikino'amawaagan o-gii-ganawaabandaan gaa-mazinaateseg gaye o-gii-mazina'igan ji-gikendang ezhiseg imaa Bizindaagewin.²³

Iwe Dibaakoniwewin Ozhibii'igewigamig gii-ozhiitaawag o-gii-diba'anaawaa gaye ge-aabadaninig bizindawind gikino'amawaagan, bimi-ayaawin gaye niizh ako ji-ziidonigod awe gikino'amawaagan endawenimaad gaye gichi-ayaan giishpin inendang.²⁴ Nibewigamigong gii-danakamigan bekesijiganing, gaye endaawaad awiyag, gemaa gibaakowidiwigamigong gemaa aakoziwigamigong, gaa-inwaadegin iwe imaa Wiinibiigong gaye Vancouver gemaa godak (agwajjiing gaye Gaanada Akiing) ezhi-izhised igo awe gaa-dibaakoniged.

²¹ Owe gii-aanjiibi'igaadeg 2013 gii-izhiseg apii Gaa-naagaji'iwewaad gii-ikidomagak "Wewiibichigaadeg Dibaakonigewin" ji-aabajichigaadeg gaawin memwaach ji-ondinigaadegin ini mazina'iganan ge-ziidoshkaagemagakin.

²² Awe gikino'amawaagan dibaakonigewininiwan gaa-aabaj'aad NSP gii-miinaa. Gaawin NSP gii-bagidinigaadesinonon giishpin awe gaa-gii-maanzhidoowaad gaa-ikidod e-wii-dagwiid dibaakonigewigamigong.

²³ Gaawin gii-ayaasinonon mazinaatesijigan gii-maajichigaadegin IAP baamaa naagach gii-ozhichigaade ji-wiiji'ind gikino'amawaagan ji-ozhiitaad odibaakonigewin gaye ji-ojaanimendanzig.

²⁴ Gakina gaa-inagindg ji-biiwijigaadeg iwe IRSSA daabishkoo ge-aabaj'aad awe Dibaakoniwewin Ozhibii'igewigamig Gaanada Ogimaawiwining gii-diba'igemagan.

Imaa bizinjigewining gii-ayaa gikino'amawaagan odibaakonigewininiiman (giish- pin gaa-aabaji'aad gaye Gaanada Ogimaawiwini gaa-ganootamaaged gaye dibaakoniwewinini. Giishpin gaa-inendang gikino'amawaagan gaa-ziidoshkaagod gaye Mino-ayawin gaa-anokitang gaye gichi-ayaa gemaa aanikanootamaagewinini gii-ayawag. Gikino'amawaagan gii-inaawag jibwaa-bizindawindwaa giishpin gaa-inendanzi-gwaa ji-dagwiid Anami'ewigamigong gaa-onjiid, gii-bizindawaa dash enendang. Amii gaa-izhiseg gaawin awiya gii-gaagiigidosii megwaa gii-gaagiigidod awe giki-no'amawaagan, memindage Anami'ewigamigong gaa-onjiid, baamaa gaa-ishk-waa gaagiigidod gaa-dibaakoniwed, ji-onji-noojimod awe gaa-dibaakoniwed, giishpin goda gaa-inendang gikino'amawaagan.²⁵ Gaawin gii-bagidinaasiwag awenenigo ji-bizindang owe gii-inakamigak gaye gii-inaawag gakina imaa biindig gaa-ayawaad ji-dazhindazigwaa gegoon.

Gii-ikidod gikino'amawaagan, gii-maajitaang bizaanigo gii-

nagamom, gii-anishi-naabewichigewag, gii-nookwezowag, gemaa gii-anami'aawag jibwaa-maajiseg iwe dibaakoniwewin. Bizaanigo gikino'amawaagan Anami'emazina'igan gemaa migiziwi-miigwanan o-gii-aabaji'aan ji-ikidod ji-debwed.

Megwaa gii-bizindawind, gikino'amawaagan o-gii-dibaajimotawaan dibaakoniwewinini. Imaa IAP gii-bizindawind gikino'amawaagan, dibaakoniwewinini eta gii-bagidinaa ji-gagwejimaad gikino'amawaaganan megwaa gii-gaagiigidonid, wiin eta. Gii-zanagendamoo gikino'amawaaganan, aaniin apii go wii-gibichiwaad ajina gii-gibichiwig, gemaa wii-ganoonaawaad gaa-gii-biizhaanid ji-ziidongowaad, gemaa Mino-ayawin Anokiimaaganag. Gii-ishkwaaseg ako, gii-andomaawag gaa-gii-ayawaad imaa ji-ikidowaad emendamowaad, miigwech e-inaawaad gikino'amawaaganan.

Moozhag ako gaa-zanagendaagosinogin ango-giizhig gii-izhise, gaa-zanagen-daagwakin dash niizhogiizhig gii-izhisewan ji-giizhikamigak.²⁶



Niibiwa gikino'amawaaganag gii-nookwezowag jibwaa-bizindawindwaa.



Gikino'amawaaganag anama'aa-mazina'igan gemaa migizi miigwan o-gii-zaaminaawaan jibwaa-giigidowaad.

Gii-ishkwaa-bizindamong: Ngoding gegoonan giyaabi gii-ishkosewan ji-dazhiiki-gaadegin gii-ishkwaa-bizindamong, daabishkoo ji-mikigaadegin mazina'iganan gemaa ji-wiindamaagewad mashkikiwininiwag enendamowaad. Aana-gii-andawendaagosinog ji-ayagin mashkikiwininiwag odibaajimowiniwaan ngoding gii-onizhishin dibaakoniwewinini ji-ganoonaad, memindage giishpin gaa-wii-inaajimowaad ji-gichi-inendaagwaninig imaa dibaakonigewining. Gii-ganawaabanjigaadegin ezhiyaad awe gikino'amawaagan odinendamowining, ginwesh gii-izhise ji-waawaabanjigaadeg iwe.

Iwe IRSSA gii-izhichigaade igi gaa-gii-wiinindwaa e-gii-maanzhidoodawaawaad ini gikino'amawaaganan gewiinawaa ji-dibaajimotawaawaad ini dibaakoniwewinini gaa-inendamowaad. Gaa-gii-ganawaabangewaad inenimaawag igi gaa-gii-maanzhidoodaagewaad. Gaawin gii-bagidinaasiwag ji-izhaawaad imaa gii-dazhi-dibaajimod gikino'ama-waagan gaa-gii-doodaagod, bizaanigo bakaan gii-inaa ji-dibaajimod gewiin.

²⁵ Giyaabi wii-gikendaman gii-dagwiwaad Anami'ewigamigong gaa-onjiid, inaab in "Odagwiiniwaa Anami'ewigamigonn IAP Gii-izhiseg", IAP Ozhibii'iga-nan: *Bebikish Dibaakoniwewin Dibaajimowin*, Gete-gikino'amaadiiwigamigong Dibaakoniwewin Ozhibii'igewigamig, Migiziwi-giizis 12, 2014, <http://www.iap-pei.ca/pub-eng.php?act=factsheets/church-role-eng.php>.

²⁶ Ini dash wiin gaa-gii-ikidod gikino'amawaagan e-gii-wanitood odanokii-ondizi-win ngoijigo niwigon biinish naanogon gii-danakamigawag.

I nendamowin gaye Diba'amaagoowin:

Dibaakoniwewinini ogii-ozhibii'aan enen- dang gii-ishkwaa-agindang odoozhibii'iganiwaan gaa-gii-dagwiiwaad. Gii-ate imaa gikino'amawaagan aaniin gaa-izhised, gaa-bi-bimaadizid, gaye gaa-gii-doodawind, odinaajimowin gaye enendang awe dibaakoniwewinini. (2009 gii-izhiseq gii-maajichigaade owe, "Gaa-dakwaagin inendamowinan" awe dibaakoniwewinini ji-dakosidood enendang iweni dibaakonigewin. Giiyaabi da-dazhinjigaadewan ini Gaa-dakwaagin Inendamowinan naagach.)

Aaniin minik ge-diba'amawind gikino'amawaagan gii-inenjigaade dash. Imaa IAP gaa-ganawaabanjigaadeg, gii-dibaabanjigaade ji-gii-waabanjigaadeg aaniin debwe gaa-izhiseq gaawiin wiin eta dibaajimowin, aaniin gaa-izhi-maanzh-ibimaadizid gikino'amawaagan gaye godag gegoonan, aaniin gaa-izhi-wanitood mino-bimaadiziwin iwe gii-maanzhidoodawind. Gii-bagidinaa awe dibaakoniwewinini wiin ji-inendang aaniin minik ge-diba'amawind awe gikino'amawaagan ganawaabanjigaadeg gikinawaajichigan. Gii-ikido gaye wegonen ge-izhichiged gikino'amawaagan ji-noojimod aaniin minik gaye ge-miinind ji-izhichiged iwe.

Gii-izhinizha'amawaa gikino'amawaagan gemaa odibaakonigewininiiman apii gii-giizhenjigaadeg, gaye awe Gaanada Akii gaa-dibendaagozid dibaakonige. Minji-niizh daa-ikidowag giishpin gikino'amawaagan ji-odaapinmogwen iweni diba'amaagoowin gemaa miinawaa ji-ganawaabanjigaadeg.²⁷ Giishpin wii-ganawaabanjigaadeg giiyaabi, awe Ogimaa- dibaakoniwewi-nini o-daa-inaan awiyan ji-naabishkaagod, ge-agindang mazina'iganan gaye ji-bizind-ang gaa-gii-ikidong imaa dibaakoniwewinini. Giishpin awe oshki- dibaakoniwewinini aanjitood iwe inendamowin, bizaanig daa-ikidowag minji-niizh bakaan miinawaa dibaakoniwewinini ji-dazhiikang iwe. Miinawaa ganawaabanjigaadeg iwe inendamowin, amii imaa ge-onjiseq



ishkwaa-waach inendamowin; gaawiin daa-aanjichigaadesinooon IAP inendamowin.²⁸

Apii gii-odaapinigaadeg inendamowin, Gaanada Ogimaawiwini gii-diba'ige iwe minik gaa-gii-andooshkigaadeg ji-diba'igeng. Giishpin awe gikino'amawaagan gaa-aabajii'aasig dibaakonigewininiwan gii-bizin-dawind, bizaanigo noongom o-daa-aabajii'aan, Gaanada dash daa-diba'ige, ji-wiindamawind gikino'amawaagan giishpin wenzhishing iwe diba'amaagoowin. Ngojigo naanodwaate izhise ji-dagoshinomagak iwe diba'amaagoowin. Gii-diba'amawind gikino'amawaagan, Dibaakoniwewin Ozhibii'igewigamig owiindamawaan Aname'iewigamigong gaa-dibendaagozinid, ji-ozhibii'igenid ji-ikidowaad e-minjinaweziwaad gaa-gii-izhisemagak.

Gaanada dash gaye 15 endaso-ngodwaak daswaabik o-gii-saan zhooniyaa ji-di-ba'amawind gikino'amawaagan odibaakonigewininiiman. Gikino'amawaagan gii-inaa ji-diba'ang GST/PST/HST daaksis diba'amawind awe dibaakonigewinini.²⁹ Ngojigo 30% niswaabik endaso-midaaswaabik gii-ondizi

dibaakonigewinini minik gaa-ondizinid gikino'amawaaganan, mii iwe ako minik. Gikino'amawaagan gii-inaa ji-diba'iged giishpin awashime gaa-izhisenig ji-diba'a-mawaad dibaakonigewininiwan apiich minik Gaanada Ogimaawiwini deba'iged. Di baakonigewinini gaawiin bagidinaasii ji-diba'amawaad bakaan awiyan, ji-miigi-wed niigaan zhooniyaaan gemaa godak metinigewinan e-dazhiikang iwe dibaako-nigewin ge-ondizid gikino'amawaagan.

Dibaakoniwewininiwag o-gii-ganawaabandaanaawaan gaa-diba'amawindwaa dibaakoni-gewininiwag debwe gwayak minik ji-diba'amawindwaa gaa-gii-ikidong imaa IRSSA gemaa ji-minoseq iwe minik deba'amawindwaa. Giishpin gaa-inendang dibaakoniwewinini ozaam niibiwa e-inagindamaaged awe dibaakonigewinini bizaanig o-gii-gashkitoon ji-niisang.³⁰ Awe gikino'amawaagan gaye odibaakonigewininiiman daa-ikidowag e-inenda-zigwaa gaa-inendaminiid dibaakoniwewinini bizaanigo dash godak dibaakoniwewinini o-daa-ganawaabandaan iweni.

²⁷ Gaa-izhi-niizhigin ini dinookaan bizindamowinan, awenenigo daa-andojige miinawaa ji-ganawaabanjigaadeg inendamowin IAP biminizha'igaadesinog. Gikino'amawaaganag eta o-daa-andooshkaanaawaa miinawaa ji-ganawaabanjigaadeg Gaa-zanagak Dinookaan inendamowin giishpin gaa-maanzhiseqwen. Gaanada Aki bizaanigo daa-gagwedwe ji-ganawaabanjigaadeg miinawaa giishpin gaa-maanzhiseqwen inendamowin Gaa-zanagak Dinookaan eta.

²⁸ Ngoding eta izhise, daa-ayaamagan ji-izhaang dibaakonigewigamigong gii-ishkwaa-debinigaadeg ishkwawaach IAP inendamowin, giishpin iwe inendamowin izhinaagwak e-gii-izhichigaanwanizning iwe IAP diba'amaagoowin. Ji-debinigaadeg dibaakonigewin ge-gwayakosijgemagak gikino'amawaagan nitam daa-gojitoonaawaa gakina eyaabamagakim imaa IAP izhichigewinini.

²⁹ Gaawiin gii-diba'igaadesinooon daaksis giishpin dibaakonigewinini gaa-ano-kaadang iwe giishpin gikino'amawaagan gaa-izhi-dibendaagozid ishkonigening.

³⁰ Ngoding, gaawiin nasine, giishpin gaa-inendang dibaakoniwewinini gaawiin gii-minochesii awe dibaakonigewinini, nawach bangii ogii-miinaan apiich wiin iwe 15% minik ge-gii-diba'amaagopan Gaanada Ogimaawining.

Gichi-Dibaakonigewigamig Gaanada



IAP Gaa-gii-izhi-bimiwijigaadeg Ezhinaagwak:

Iwe IRRSA gaye gaa-gii-ikidomagak Dibaakonigewigamig gii-izhinizha'igaade ge-izhichigeng gaa-gii-inindwaa awiyag ji-doodamowaad iwe IAP, ji-dibaabanji-gaadeg.

Dibaakonigewigamigooon: Dibaakonigewigamigooon o-gii-dibendaanaawaa ji-naa-gajitoowaad iwe Nakobii'igan.³¹ Iwe dash Dibaakonigewigamig gii-ikidowag ji-bagidinigaadeg iwe ishkwaa-waach inendamowin. Gii-izhichigaaniwang iwe IAP, ningodwaaching wing eta gii-izhise gii-aanjichigaadeg iwe inendamowin gaa-gii-atood dibaakoniwewinini.³² Iwe IRRSA Ji-izhichigeng Anookiiwin o-gii-asaan Dibaakonigewininiwan "ji-wijji'aad ini Dibaakonigewigamigong anokiinid gii-ganawaabandamowaad iwe gii-dazhiikigaadeg iwe Naasaab Inendamowin".³³

Dibaakonigewigamig Ji-naagadawaabanjigaadeg: Iwe Ji-izhichigeng Anookiiwin gii-achigaade Dibaakonigewigamig Ji-naagadawaabanjigaadeg (Crawford Maamawi-dibaakonigewin) ji-naagajitoowaad edoojigaadeg iwe IRRSA, memind-age go IAP gaye CEP. Dibaakonigewigamig Ji-

naagadawaabanjigaadeg gii-maawadonigemagan wiind-amaagewin gaye gii-wiindamawaawag Dibaakonigewininiwag edoojigaadeg IAP.

Gaanada Zagakibii'igewin Gaa-naagajitoowaad (NAC): Bepezhig Gaanada, Anami'ewigamigooon, AFN, Eshkiimeg, Merchant Law Group gaye dibaakonigewi-niniwag gii-dagwiiwag imaa NAC gaa-izhinikaadeg. Gii-inwaade ji-noondawindwaa gaa-wii-miigaadamowaad iwe Gakina Gaa-gii-izhi-sewaad Diba'amaagooowin CEP gaye dash bezhigwan ji-izhichigeng aabajichigaa-deg iwe IRRSA. Giiishpin wii-aanjichigaadeg iwe IAP, nitam NAC gii-ikidomagan aaniin wiinawaa enendaowaa jibwaa-ozhichigaadeg inaakonigewin.

Gaa-naagaji'iwewaad: Bezhig awiya gii-niigaanii, iwe dash IAP Gaa-naagaji'iwewaad, gii-niizhiwag imaa: gete-gikino'amawaaganag (bezhig Anishinaabe bezhig dash Eshkiime), dibaakonigewininiwag (bezhig Gaanada Akiing Maamawibiwin bezhig dash gaa-bezhigowaad dibaakonigewininiwag), Anami'ewigamigong (bezhig Baakwaa'ishii bezhig dash Zhaaganaashii Anami'ewigamig, miinawaa dash Gaanada. Iwe IRRSA ogiiimiinaa Gaa-naagaji'iwewaad owe ji-izhichigenid:

³¹ Ini Ji-doodaming Anookiiwinan mii gaa-izhi-biminizha'igaadeg aaniin ge-izhi-chigewaad awiyag wii-gikendamowaad ge-izhichigewaad imaa Dibaakonigewi-gamigong.

³² Gaa-gii-ikidong (ozhibii'iganens 15), iwe IAPing, bizaanigo gikino'amawaagan o-daa-gashkitoon dibaakonigewigamigong ji-izhaad, nising gii-izhichigaade imaa IRRSA, gaye ini ALL dibaakonigewinawashime \$250,000 gaa-izhisegin. Naaning, gikino'amawaaganag o-gii-gagweijimaawaan dibaakoniwewinini ji-bagidini-ndwaa ji-doodamowaad ALL dibaakonigewinaw, niswe ini o-gii-debinaanaawaan.

³³ *Fontaine edibaakonang Gaanada Ogimaawiwini (2007)*, paras. 1, 2, 4, 12 gaye 13.

J i-mikawaawaad ji-anokii'aawaad miinawaa ji-giishkinaawaad ini Ogimaa Dibaakoniwewinini.

- Ji-mikawaawaad, ji-anokii'aawaad miinawaa ji-gikino'amawaawaad dibaakoniwe-winini.
- Gaa-ikidod awe Ogimaa Dibaakoniwewinini, ji-giiwe-anokii'aad gemaa ji-boonanokii'-aad dibaakoniwewininiwan.
- Ji-mikawaad gaye ji-anokii'aad gaa-nagajitoonid inendamowin mashkikii.
- Ji-naanaagadawendamowaad egowaad ini Ogimaa Dibaakoniwewinini doodamo-waad iwe IAP gaye ji-wiindamaagewaad aaniin ge-izhichigeng gegoog izhiseg.
- Ji-wiindamaagewaad aaniin eni-minosemagak imaa NAC.
- Ji-naagajichigaadeg bimiwijigaadeg iwe IAP.

Iwe Gaa-naagaji'iwewaad o-gii-ozhitoonaawaa godag Gaa-oko-dazhiikamowaad ji-dazhin-damowaad gaa-zanagakin gegoonan gii-dazhiikigaadeg iwe IAP gaye Naazhiya'ii Okobiwinens ji-dagwiimagak Gaanada gaye gikino'amawaagan ji-dazhiikamo-waad gegoonan gaa-inendamowaad.

Ogimaa Dibaakoniwewinini: Gaa-naagaji'iwewaad o-da-odaapinaan ini gaye Dib-aakonigewigamigoon da-inendamoo, amii dash awe Ogimaa Dibaakoniwewinini ge-izhi-naagajitood iwe IAP weweni ji-biminizha'igaadegin inakonigewinayan gaye gaa-inendang Dibaakoniwewin Ozhibii'igewigamig ji-izhisemagak. Ono da-ganawaabanjigaadewan:

- Ji-odaapiinid dibaakoniwewinini ge-inanokii'aad, ji-miinind anokiiwin,

ji-maamiinomindwaa, ji-gikino'amawindwaa, gaye giishpin gwayak izhisesinog.

- Ozhichigaadeg gikino'amaagewin ge-izhi-minoseg IAP ge-ganawaabandamowaad igi Gaa-naagaji'iwewaad.
- Ji-ganawaabandang gaa-gii-inendang dibaakoniwewinini gagwedweng
- Ji-inaad aaniin ge-izhichigenid Dibaakoniwewin Ozhibii'igewigamig gaa-anokiinid.
- Ji-bizindawaad gikino'amawaaganag gaa-gii-inindaa omooshkinebii'iganiwaan gaawiin daa-odaapinigaadesiniwan.
- Ji-dibaajimotawind Dibaakonigewigamig gaa-ayaawaad gaye iwe Gaa-naagaji'iw-ewaad

Gaawiin IAP Izhichigan izhinikaadesinon, Ogimaa Dibaakoniwewininiikaanag gii-asaawag ji-wijii'aawaad Ogimaa Dibaakoniwewinini ji-anokiinid.

Gete-gikino'amaadiiwigamigong Dibaakoniwewin Ozhibii'igewigamig: Dibaakoniwewin Ozhibii'igewigamig o-gii-ogimaakandaan iwe IAP ji-mino-bimiwijigaadeng. Gii-wiindamaagemagan aaniin ezhiseg iwe IAP, gii-ganawaabanjigaadewan gaa-dagoshinomagakin mooshkinebii'iganan; gii-wijii'aawag igi gikino'amawaaganag gaawiin dibaakonigewininiwan gaa-gii-anokii'aasigwaa; o-gii-bimiwidoonaawaa iwe maamawi IAP izhichigewin; gaye ogii-dibaabandaanaawaa gaye gii-wiinda-maagewag ezhisenig iwe IAP. Gaa-niigaanishkang iwe Dibaakoniwewin Ozhibii'igewigamig o-gii-aanike wiindamawaan Ogimaa Dibaakoniwewininiwan ezhisenig IAP bimiwijige-win gemaa gegoon bakaan, gaye ini Ogimaan Gaanada gaa-ganootamawaad ezhisenid zhooniyaan gaye aabajichiganan.³⁴



Dan Shapiro (namanjinikaaning, 2013-2021) gaye Dan Ish (2007-2013) Ogimaa-dibaakoniwewiniwag gii-inanokiiwag IAP. Ted Hughes (nisaw) gii-ogimaa-dibaakoniwewiniwi ADR (2003-07).



³⁴ Jibwaa Ode'iminiigiiz 2008 izhiseg, Dibaakoniwewin Ozhibii'igewigamig gii-dagwii-magan imaa IRSRC Gete-gikino'amaadiiwigamigong Gwayakosijigewin Gaanada. Apii dash IRSRC gii-izhaamagak Zhooniyaan Ogimaakaang gaye Giiwediniing Ogimaakaang (DIAND), iwe Dibaakoniwewin Ozhibii'igewigamig gii-angwiiimagan imaa DIAND. DIAND dash gii-ani-aanjinikaade Zhooniyaan Ogimaa gaye Giiwedino-Ogimaawin, miinawaa dash Anishinaabe gaye Giiwedini Gaa-anokiiitaagemagak Gaanada. (INAC). 2019 gii-izhiseg, INAC gii-niizhwewaananag, bezhig Dibaakoniwewin Ozhibii'igewigamig gii-ayaamagan ji-ganootamawaad Gaanadawan gii-ganoonaawaad Anishinaaben gaye Giiwediniing Gaanada (CIRNAC).

Gaanada Ogimaawiwiniin: dago gaye gii-dagwiid imaa IAP dibaakonigewining, Gaanada Ogimaawiwiniin o-gii-inigoon IRSSA ji-ondinang deminik aabajichiganan ge-aabajitoowaad IAP ji-gashkitoowaad odanokiiwiniwaa. Dibaakoniwewiniin Ozhibiigewigamig gaa-anokiiwaaad Gaanada Ogimaan odanokiiwiniwaa, Ogimaawiwiniin inaakonigewiniin obiminizha'anaawaa. Amii dash aanawi Gaanada Ogimaawiwiniin gaawiniin dibinawe gii-dagwiisii imaa dibaakonigewining, giiyaabi gii-naagajitoon jiminoo-aabadizid zhooniyaa gaye ji-anokii'indwaa awiyag ge-bimiwidoowaad iwe IAP.

Bimiwijigaadeg IAP: Gaa-gii-zanagak gaye Gaa-izhi-nakwetaageng

Gii-zanagan e-dazhiikigaadegin ini gikino'amawaaganag odibaakoniwewiniwaa ozaam e-baatiinadakin, oshkiya'ii gegoon e-izhiseg e-gii-gikendanzigwaa ji-izhise-nig gaye gaa-gii-izhisewaad gikino'amawaaganag, gii-zanagendaagwan. Amii dash gaa-izhi-anokiiwiniin iwe Gaa-naagaji'iwewaad Ogimaa Dibaakoniwewiniin gaye dibaakoniwewiniin Ozhibiigewigamig gii-izhichigewag wegongen ge-minoseg.

Waakaa'iyaa'ing: Igi gikino'amawaaganag Naawiya'ii Gii-asaawag:

Iwe IAP gii-inwaade naawiya'ii ji-asind awe gikino'amawaagan ji-na'endang ji-ziidonind gaye anishinaabe izhitwaawiniin ji-aabajichigaadeg. Amii go apane gaa-inenjigaadeg gii-dazhiikigaadeg endaso-IAP awe gikino'ama-waagan nitam ji-minwenimind.

Jibwaa-maajiseg bizindamowiniin, awe gikino'amawaagan gii-ikido aaniindi ge-danakamigak; giishpin gaye ji-ikwid, ji-ininiwid ge-dibaakoniwed, giishpin gaye ji-ayaawaad gaa-ziidoshkigewaad, wijiwaaganag, gichi-ayaag, mino-ayaawiniin gaa-anokaadamowaad gemaa anami'ewiniin gemaa ge-aanikanootamaaged. Owe gii-izhichigewaad Dibaakoniwewiniin Ozhibiigewigamigong, amii gaa-izhi-dashki-toowaad awe gikino'amawaagan endawendang ji-izhiseg. Amii gaye gaa-izhiseg gaawiniin memwaach awe gikino'amawaagan ji-gii-ozhisi-dood wiin obimi'ayaawiniin gaye ji-diba'ang ji-izhaad bizindamowiniin.

Igi Mino-ayaawiniin gaa-anokaadamowaad – Gaanada Mino-ayaawiniin o-gii-diba'aaan – gii-ayaawag imaa bizindamowiniin giishpin gaa-inendang gikino'amawaagan. Igi iwe gaa-inanokiiwaaad niibiwa gewiinawaa gii-izhaabaniin gete-gikino'amaa-diiwigamigong, gemaa odinawemaaganawaa' gii-izhaawa', gii-anishinaabemowag gaye ogikendaanaawaa izhitwaawiniin gaye besho imaa gikino'amawaagan endaad gii-onjiwag. Gaye, Gaanada Aki gii-izhitamaage ji-ayaamagak ge-izhi-giigidong aaniin igo apii ji-gaganoonaad gikeno'amawaaganan gaa-maanendaminid.

Imaa IAP bizindamowiniin, bizaanigo gikino'amawaaganag o-gii-ayaanaawaa anishinaabe izhitwaawiniin, gaye o-gii-biidoonaawaa gegoon ge-ziidoshkaagowaad. Gii-gagwe-izhichigaade iwe bizindamowiniin ji-onizhishing, awe gikino'amawaagan ji-namadabid imaa onjishkawiya'ii gaa-izhi-namadabid gewiin dibaakoniwewiniin ji-minoseg ji-noondaadiwaaad. Awe dibaakoniwewiniin gii-michi-gagwedwe gaawiniin wiin o-gii-gagwe-wawaanen-damimaasiin ini gikino'amawaagan egikendang e-gii-zanagendaagwanig gaa-gii-bi-izhised awe gikino'amawaagan.



Mino-ayaawiniin Ziidoshkaage-anokiiwiniin Debbie Cielen o-gii-wiji'aa niibiwa gikino'amawaaganan' IAP bizindaagewiniin.



IRSAS gaa-gii-anokiid oganoonaan Mino-ayaawin Ziido-shkaage-anokiimaagana' imaa London, ON.



IAP o-gii-anokii'aawaa' 100 dibaakoniwewiniwa' maawach gii-baatiinong apii.

Dibaadodeg iwe IAP:

2 006 gii-izhiseg biinish 2012, gii-niiwinoon Ozhibii'igan Izhichigewin gaa-gii-inwaade-gin ji-wiindamaageng wegonen iwe IRSSA. Gii-wiindamaageng wegonen iwe Nakobii'igan gaa-ijigaadeg; aa-niin apii gaye ge-odaapinanzigwaa awiyag iwe nakobii'igan, iwe gaye apii ge-booni-odaapinigaadegin CEP mooshkinebii'iganan gaye IAP mooshkinebii'iganan. Gaa-mazinaateseg gaye bizinjiganan o-gii-aabajitoonaawaa, Anishinaabe Ozhibii'-igewigamigong gaye Anishinaabewigamigong gii-izhi-wiindamaagewag gaye gaa-daataanginigaadeg gaye giigidowin agindaason ge-izhi-giigidong. Gii-aanakanootamaagaadewan ini mazina'iganan gaye gaa-bizindamang zhaaga-naashiimowin, baakwa'ishiimowin/wemitigoozhiimowin, eshkiimemowin, anishi-niniimowin, anishinaabemowin, gaye ningodwaaso godak anishinaabemowinan. Maamaw, niwiniw iwe Ozhibii'igan Izhichigewin gegaa miziw 98% gii-izhi-dago-shinooagan ngojigo 14 dasing.³⁵

Dago gaye, iwe Dibaakoniwewin Ozhibii'igewigamig, gewiinawaa awashime 400 dazhiikewining gii-izhaawag, aaniindigo ezhi-okwiinowaad anishinaabeg. Ji-wiijitoowaad owe, Dibaakoniwewin Ozhibii'igewigamig o-gii-ozhitoonaawaan mazina'iganansan, dibaajimowinan, mazinaatesijigan e-wiindamaageng aaniin ge-izhiseg bizindawind gikino'amawaagan, aaniin gaye ge-izhi-ozhiitaad jibwaa-izhaad imaa bizinamowining.

Godag gaye oko-anokiinwan o-gii-dibaadondaanaawaa IAP inakamigiwiniw. Awe Dibaakonigewigamig Gaa-naagajitood o-gii-ayaan giigido-agindaason ge-izhi-giigidong wii-gik-endaman aaniin ezhiseg iwe IAP. Gaanada Aki ogii-ozhitoonaawaa Giigidootamaagewin gaye Wiindamaagewin Izhichigewin ji-wiindamaageng ezhiseg iwe IRRSA. Mino-ayaawin Gaanada

gii-wiindamaagewag gaye ziidonigewag imaa anishinaabe dazhiikewining. Niibiwa dibaakonigewininiwag gaye o-gii-dibaadodaanaawaa iwe IAP, ishkonigan-ing e-izhaawaad e-ando-ganoonaawaaad gikino'amawaagan'.

Minik gaye Gaa-ako-izhiseg:

E-gii-ozaamiinadakin mooshkinebii'iganan gaye bizindamowinan gii-onji-zanagise. Gaanada nitam gii-inendam 12,500 da-dasinoo mooshkinebii'iganan ge-dagoshi-noomagakin jibwaa-izhiseg Sept 2012 gii-giishkinigaadeg ji-odaapinigaadegin.³⁶ Jibwaa-ishkwaa-izhiseg 2009, awashime 12,500 mooshkinebii'iganan gii-dag-oshinooaganooon, awashime 37,800 dash jibwaa-giishkinigaadeg gaa-izhiseg.³⁷ Gegaa naasaab IRSSA ji-aabaji'ind zhooniyaa 2,500 bizindamowinan ji-ayaa-gin endaso-gikinoonowin, ngojigo 9-giizis ji-izhiseg jibwaa-biindigajigaadeg imaa IAP "gemaa nojigo iwe apii" gakina dash dazhindamowinan ji-ishkwaa-dazhiiki-gaadegin Sept 2013 izhiseg. Awashime 12,500 bizindamowinan gii-ishkwaa-dazhiiki-gaadewan 2012 gii-izhiseg amii dash gaye awashime 4,100 gii-gaashipoose iwe minik.³⁸ Amii dash gaa-inendaagwak nawach niibiwa zhooniyaa ji-asind imaa IAP gaye aanjiike ji-gagwe-minochigaadegin ini bizinamowinan ji-minoseg iwe gii-dazhiiki-gaadegin ini IAP dibaakoniwewinan.

Gii-zanagan ji-debisewaad Gaa-dibaakoniwewaad gaye aanind ji-ikwewiwaad gaye aanind ji-baakwaa'ishiimowaad/wemitigoozhiimowaad gaye ji-anishinaabe-wiwaad.³⁹ Maawach gii-ojaanimiziwaad, 100 gii-dashiwag gaa-dibaakoniwewaad, 8 igi gaa-wiiji'aawaad ogimaan, gaye bezhig Ogimaa Dibaakoniwewinini. Ji-gashkitoowaad owe, iwe Gaa-naagaji'iwewaad niwiniw o-gii-gagiiginaawaa' dibaakoniwewininiwa' niwiniw gikinoonowin gii-izhiseg.

³⁵ Gete gikino'amaadiiwigamigong Dibaakoniwewin Ozhibii'igewigamig, *Gete-gikino'amaadiiwigamigong Dibaakoniwewin Ozhibii'igewigamig Nishike Dibaaban-jigewin Izhichigewin (IAP) Wedi Inake Wiindamaagewin Gaa-izhichigewin: Ji-gik-enjigaadeg iwe IAP gaye aaniin apii ge-ishkwaa-odaapinigaadegin IAP mooshki-nebii'iganan*, (Aadawaang: IRSAS, 2012, p. 4.; gaye Hillsfort Wiindamaage-win, "Gaa-ikidod Cameron R. Azario, Esq egizhitood iwe IV Wiindamaagewin," gaa-gii-miinind Ontario Ogimaa-Dibaakoniwewigamig (2012).

³⁶ Iwe Anishinaabe oko-izhichigewin AFN gii-ikidowag jibwaa maajiseg iwe Nakobii'igan ngojigo 25,000 ji-dashiwaad gikino'amawaaganag ge-mooshkinebii'igewaad ji-ozhiitaang dash IAP izhiseg: waabandan ekidod Mahoney, "Nakobii'igan", P. 513.

³⁷ Godag mooshkinebii'iganan gii-biindigajigaadewad gii-ishkwaa-giishkinigaadeg ji-odaapinigaadegin Inakonigeng, 38,275 maamaw IAP mooshkinebii'iganan.

³⁸ Ngojigo 90% ini IAP bizindamowinan gii-giizhichigaadewan gii-inakamigan. Godag dash imaa Dibaakoniwewin Nakobii'igan Izhichigewin gaa-dazhinjigaadeg omaa.

³⁹ Igi gikino'amawaagananag bizaanigo gii-ikidowag giishpin endawenimaawaad ikwewan gemaa ininiwan ji-dibaakonienid; gaye izhichigewin. Ji-ondinaawaad deminik Anishinaabe Dibaakoniwewiniwa', iwe Gaa-naagaji'iwewaad o-gii-aabajitoonaawaa izhichigewinan ge-onji-debinaawaad Anishinaabeg ge-inanokiwaad, gaye ji-ikidowaad Anishinaabe Dibaakonigewininiwag e-andawenimindwaa imaa Anishinaabe Dibaakoniwewininiwako-izhichigewinini. Giyaabi dash aana-gii-izhichigewaad iwe, giyaabi gaawin awashime 25% o-gii-ayawaasiwaa Anishinaabe Dibaakoniwewininiwa'.

Gii-Dazhiikigaadegin Dibaakoniwewinan:

A mii gaa-inindwaa IAP gaa-dazhiikamowaad gakina ini dibaakoniwewinan ji-gii-zhitoowaad gaa-gii-dagoshinomagakin. Niiibiwa gaa-zanagiseg, ogii-dazhiikaanaawaan ji-gashkitoowaad iwe.

Gaa-gii-giizhichigaadesinog gemaa Gaawiin Gaa-gii-ayaamagazinog mazina'igan.

Ngoding ako, gaawiin gii-giizhichigaadesinooon dibaakoniwewin gaawiin gii-de-ozhiitaasiwag gaa-dazhiikamowaad. Ngoding gaye gaawiin gii-gashkichigaadesinooon ji-debinigaadegin mazina'iganan. Gaa-daswewanagakin ogimaawining gaa-anokiwaad gaawiin o-gii-ayaawaasi-waawaa anokiimaaganag ji-demikamowaad ini mazina'igan. Daabishkoo, gii-dagwaagig 2013, Gaanada Giba'odiwigamigoon Gaa-izhi-dibend-aagokin gii-andooshkigaadewan 9,000 mazina'iganan, 2 biboon gii-azhese. Dibaakoniwewin Ozhibii'igewigamig o-gii-ozhibii'aanaawaa Naasaab Inendamowin Ozhibii'igan Akiikaaning gaa-izhi-dibendaagokin giba'odiwigamigoon Alberta gaye Saskatchewan gaye o-gii-wiidanokiimaawaan Gaanada Ogimaawiwini ji-izhi-chigeng wiiba ji-debinigaadegin ini mazina'iganan. Dibaakoniwewin Ozhibii'igewigamig o-gii-anokii'aawaa awiya ge-wiiji'aanid ini gaa-aabajj'aasigwaa dibaakoniwewininiwaa' ji-giigidootamaagowaad.

Dibaakoniwewin Ozhibii'igewigamig gaye o-giini-aabajitoonaawaa "Gichi-anokaa-degin Dibaakoniwewinan Izhihigewin" ji-ganawaabandamowaad gakina dibaakoniwewinan gaa-giizhichigaadesinog gemaa awashime 2 biboon gaa-michi-ategin; ji-ganoonaawaad gikino'amawaagan odibaakoniwewininiwaa ji-wiindamaagenid aaniin wenji-dazhiikigaadesinog gemaa wenji-giishkinigaadeg. Nitam gii-anokaajigaadegin, 90% gegaa gakina gii-nakwetamoog igi dibaakoniwewininiwag gikino'amawaaganan gaa-anokiiawaawaad.

Aanawi iwe gii-izhichigewaad, giyaabi aanind gaawiin gii-giizhichigaadesinooon ini dibaakoniwewinan. Imaa IRSSA, gaawiin o-gii-gashkitoosiinaawaa Gaanada



Niiibiwa IAP dibaakoniwewinan gii-izhichigaadewan imaa British Columbia Gichi-dibaakonigewigamigong.

dibaakoniwewininiwag ji-gibitinamowaad ini gaawiin ji-bizinjigaazosig gikino'amawaagan, giishpin gaye gaa-gashki'aasig ji-ganoonaad gikino'amawaaganan gaa-gii-anokii'igod, gaye gaa-debinigaadesinogin mazina'iganan gemaa gaa-nibod awe jibwaa-dibaajimod. 2011 gii-izhiseg, Dibaakoniwewin Ozhibii'igewigamig gii-ikidowag ngojigo 1,000 – 1,500 gaawiin daa-giizhichigaadesinooon imaa IAP.

Amii dash Dibaakoniwewin Ozhibii'igewigamig gaye Daataanginagan Okobiwinens gaye Gaa-naagajj'iweewaad gaye NAC gii-nanaandogikendaanaawaa aaniin ge-izhichigeng gakina IAP dibaakoniwewinan ji-giizhichigaadegin. Gaa-naagajj'iweewaad gii-ikidowag bakaan ji-izhichigewaad gaye iwe NAC mii dash 2014 gii-izhiseg Ontario Gichi-Dibaakonigewigamig gii-ikidomagan ji-ozhi-chigaadeg inakoniwewin Mashi Gaa-giizhichigaadesinogin Dibaakoniwewinan (IFRP) ji-aabajitoowaad IAP "Ji-giizhichigaadegin Wiindamaagewin".

Iwe IFRP niizhing inake gii-izhichigewag ji-giizhitoowaad inin dibaakoniwewinan ge-gii-gibichisegibaniin. Nitam iwe Gichi-anokaadegin Dibaakoniwewinan gii-aabajichigaade. Giishpin minosesinog iwe, Dibaakoniwewin Gaa-dazhiikigaadegin Dibaakoniwewinini o-gii-gashkitoon ji-ganoonaad ini gaa-dagwiinid

imaa, ji-izhichigewaad wegonen ge-minoseg ji-giizhichigaadeg iwe.

Giishpin dash iwe minosesinog, "Gichi-Wawezhichigewin Dibaakoniwewinini" gii-aabadizi ji-debinang ini ozhibii'iganan gaa-onjiiimagakin gaa-dagwiwaad, ji-bizindawaad gikino'amawaaganan gaawiin memwaach mazin'iganan ji-ondinigaa-degin, "Wawezhichigewin Inake" ji-izhi-minoseg gemaa ji-gibitinigaadeg. Awe Ogimaa Dibaakoniwewinini o-gii-gashkitoon ji-ganawaabandang dibaakoniwewin gaye ji-dibaakonigaadeg miinawaa.

Gegaa 60% dibaakoniwewinan gaa-gii-achigaadegin imaa IFRP gii-giiwemaga-noon ji-dazhiikigaadegin imaa daabishkoo ge-gii-izhisegiban gwayak.

Gaa-mikawaasindwaa Gikino'amawaaganag

Bezhiig miinawaa gaa-gii-minoseg Giizhikamigizwin Ge-izhichigeng Dibaajimowin ji-gikendamowaad aaniin ge-izhichigewaad wani'aawaad gikino'amawaaganan. Iwe apii gaawiin o-gii-gashkitoosiinaawaa ji-ganoonaawaad 300 gikino'amawaa-gana', maagizhaa aanind gii-nibowa' gemaa aakooziwigamigong ayaawa' gemaa akiwenziiwigamigong, gemaa oodena, gemaa gii-aanjigoziwag.

Owe dash izhichigewin, Dibaakoniwewin Ozhibii'igewigamig o-gagwe-mikawaa' ini gaa-gashki'aasig ji-ganoonaad wegonen igo e-izhichiged ji-gagwe-mikawaad gikino'amawaagana'. Nitam daataanginiganing ako inaabiwag gaye aaniindi ezhi-ozhibii'igaadenig owii-nzowin awe gikino'amawaagan. Mii dash miinawaa gaa-daswewanagakin ogimaawining izhi-gagwedwewag e-gagwe-mikawaawaad. Ishkwaawaach dash gagwejimaawag igi gaa-wiinzowaad gaa-ziidoshkaagewaad owiinziwiniwaan gaa-ozhibii'igaadenigin imaa gikino'amawaagan omazina'igan-ing, gaye Mino-ayaawin Ziidoshkaageg, dakoniwewininiwag gaye godag. Ji-gashkichigaadeg owe, Dibaakonigewigamigoon gii-ikidowag gakina izhichige-winan gii-ishpin gagwejimigowaad ini Dibaakoniwewin Ozhibii'igewigamigong gaa-ayaand ji-wiindamaagewaad aandi eyaad awe gikino'amawaagan.

Giishpin dash gii-mikawind gikino'amawaagan, gii-giwe-achigaadeni omazina'ig-an imaa gaa-izhi-ategin godag ini IAP mazina'iganan gaa-dazhiikigaadegin. Giishpin dash mikawaaganiwisig gikino'amawaagan, gaawiin nakwetanzig, gemaa inendanzig ji-dibaakoniwed imaa IAP, gii-odaapinigaadeni omooshkinebii'igan imaa IFRP ji-atening.

Manido-giizis 2019 gii-izhiseg, Gaa-wanisegin Gikino'amawaagan Dibaakoniwewin gii-aabajichigaade 841 dasing, 771 gikino'amawaaganag eganootamawindwaa.⁴⁰ Ogo 546 gikino'amawaaganag gii-mikawaawag amii dash odibaakoniwewiniwaan gaa-izhi-dazhiikigaadenigin gemaa bakaan gii-izhi-dazhiikigaadewan. Godag IFRP gii-izhinizha'igaadewang gemaa gaawiin gii-biindigajigaadesinooan.

Gikino'mawaaganag Gaa-gii-Gagwaadagi'iwewaad Dibaakoniwewinan:

Iwe IAP o-gii-diba'amawaawaa' gikino'amawaaga' gaa-gii-gagwaadagi'igowaad godag gikino'amawaaganag. Gii-inendaagwan dash ji-waabanda'iwewaad e-gii-gikendamowaad gaa-anokii-waad imaa gikino'amaadiiwigamigong enakamiganinig. Gii-zanagan owe gikino'amawaaganag ji-waabanda'iwewaad IRSSA gii-ikidooma-gan owe:

"Gii-gagwaadagi'aawaad wiiji-gikino'amawaaganiwaa', ogimaa o-da-gagwe-wiida-nokiimaa ji-mikigaadegin nanaando-gikenjigewinan, gemaa awiya ji-gii-waabang-ed, gaye gaagiigidowinan gemaa DR gemaa IAP dibaakoniwewinan ji-wiiji'ind awe gikino'amawaagan."⁴¹

Nitam, gii-ayaamagakin gaa-gii-izhibii'igewaad anokiimaaganag, Gaanada gii-on-dinamaage ini ozhibii'iganan ji-wiijitwaamagakin

endaso-dibaakoniwewining.⁴² Gaanada gaye gii-ikido ini ozhibii'iganan gaa-gii-ozhibii'igaadegin jibwaa-ayaad imaa gikino'amawaagan gaawiin gii-aabadasinooan. Ginwezhiish igo Ogimaa Dibaakoniwewinini gii-ikido aaniin gedoojigaadegin ini ozhibii'iganan ji-aabajitoowaad igi dibaakoniwewininiwag gaa-anokiitawaawaad gikino'amawaaganan gaye giishpin bezhig gikino'amawaagan gaa-gii-doodang. Apii dash Waabigwanigiizis 2013 gii-izhiseg, Gaanada Ogimaawiwining ogii-ozhitoon Dibaajimowinan Niibidebii'igan ewiindamaagemagak aaniin ge-izhi-miinindwaa gikino'amawaaganag odibaakonigewininiimiwaa'.

Zhaagooch dash endaso-dibaakoniwewin gaa-gii-izhi-gagwaadagi'igod wiiji-gikin-o'amawaaganan, aazha gaa-gii-onashiwaadegin gii-aabadanooan. Gii-nisidawinigaade dash, ani-akiwang, giiaabi da-ayaawan ozhibii'iganan ge-wiiji'iwemagakin ani-dibaakoniweng. Mii dash gii-gichi-anama'egiizhiganigiizis 2013 gii-izhiseg igi Gaanaagaji'iwewaad o-gii-bagidinaanaawaa "Wiiji-gikino'amawaaganan Gaa-gii-gagwaadagi'aad Izhi-chigewin" ji-aabadak Gaanada Aki ji-ondinang niibidebii'igan ini dibaakoniwewi-nan ji-onjiigin oshki-ozhibii'iganan ge-aabajichigaadegin ji-wiiji'iwemagakin. Gii-gaganoonidiwag dasah giigidowining ganage daa-bizinjigaadewan aanind di-baakoniwewinan jibwaa-giizhichigaadegin ozhibii'iganan.

Gii-ganawaabanjigaade owe biinish Manoomini-giizis 2017 Gaanada Aki gii-miigi-we Andooshkamowin Ge-izhichigewaad Dibaakonigewigamigong. Gaanada Ogimaa gii-ikido Ogimaa Dibaakoniwewinini gaye odanokiimaagana' gaawiin gwayak o-gii-izhi-aabajitoosiinaawaa ini e-gii-bagidinigaadegin dash ini ozaam gaawiin e-gii-ayaasinog gikino'amaadiiwigamigoo anokiimaaganag e-gii-gikendamowaad enakamiganinig, naagach gii-ikidowag – giishpin ayaawapan imaa gii-inaakonigeng daa-gii-wiiji'aa awe gikino'amawaagan. Gaanada gaa-inendang gaye British Columbia Gichi-Dibaakonigewigamig gewiin naasaab gii-inendam igi eta gaa-wiidookaagewaad Dibaakonigewigamigoon imaa Gete-gikino'amaadiiwigamigoon Nakobii'igan ogashkitoonaawaa ji-baakinamowaad oshki-IAP dibaakoniwewin.

Migiziwi-giizis 2018, Gaanada gii-ikido ji-ganawaabandang miinawaa ini Wiiji-giki-no'amawaaganan Gaa-gii-gagwaadagi'igod dibaakoniwewinan ji-bagidinigaadegin ozaam e-ayaamagazinogin ozhibii'igan egii-gikendamowaad anokiimaaganag iwe apii, ji-wiiji'igod awe gikino'amawaagan odibaakoniwewining. Gaanada gii-ikido giishpin ezhi-minoseg, ono dibaakoniwewinan da-ganawaaban-jigaadewan agwaajiing imaa IAP izhichigewining.

⁴⁰ Ngoding gikino'amawaaganag gii-mikawaawag mii dash miinawaa gaa-izhi-wani'aawaad, miinawaa Gaa-izhi-wanisewad e-aabajichigaadeg izhichigewin.

⁴¹ IRSSA, Ge-izhiseg D, Aanikebii'igan VIII. Imaa IAP izhichiganing gaawiin me-mwaach gaa-anokiitwaad gii-waabanda'iwesiwag aaniin gaa-gii-izhi-gagwaadagi-iweng.

⁴² Gaanada Ogimaawiwining awashime 4,500 gii-biindigajigaadewan gaa-ishkwaaw-ondinigaadegin ini ozhibii'iganan ge-aabajitoowaad igi dibaakoniwewininiwag.



Wiinibiigong Bizindaagewigamig

Bizhindaagewinan

Ji-gizhaatabi-dazhiikigaadegin gaye ji-gizhiisegin

Iwe IRRSA ikidoomagan mooshkinebii'iganan gaa-gii-biijinizha'amowaad gaagit-aadiziwaad gemaa gaa-aakoziwaad gikino'amawaaganag daa-nitamishkaawag. Gii-zanagichigemagan owe gii-gagwe-izhichigeng. Aaniin ge-izhi-gikenjigaadeg giishpin igi gikino'amawaaganag bwaatawi-izhisenig odibaakonigewiniwaa ji-zanaganisenig ji-doodamowaad. J-minoseg, mooshkinebii'igan gii-ozhichigaade awe gikino'amawaaga omashki-kiiwininiiman ji-izhibii'igenid ozaam e-aakoziwaadizid awe gikino'amawaagan.

Gaye dash, aanind gaa-gitaadiziwaad gikino'amawaaganag ginwesh gii-bii'owag ji-bizindawindwaa ozaam ginwesh gii-izhise jibwaa-maawadoonamowaad gakina ozhibii'iganan gaa-andooshkigaadegin ji-ziidoshkaagemagakin. 2012 gii-izhiseg, iwe Gaa-naagaji'iwewaad o-gii-atooonawaa "Awashime 65 daso-biboonewin" ji-wiiji'indwaa gikino'amawaaganag wewiib ji-doodamowaad. Jibwaa-bizindaageng, awe dibaakoniwewinini o-gii-dazhindaanaawaan mazina'ig-anan ge-aabadakin, gaye ji-onwaadeg aaniin apii ge-ikidowaapan ji-dibaakoni-weng gemaa Dibakoniwewin Nakobii'igan ji-aabajkaadeg. Gii-oko-bizindawaawag gikino'amawaaganag owe gii-maajichigaadeg ji-onji-wendag ji-aabadakin aabajchiganan. Ngodwaaso-giizis izhiseg, awashime 140 bizindaagewinan gii-ayaamaganon imaa gojichigaade izhichigewin gii-izhichigeng.


Iwe Gaa-naagaji'iwewaad gii-izhichigewag ji-aabajchigaadeg iwe Gaa-gizhaatabinigaadeg Bizindaagewin (AHP), gaa-gitaadiziwaad gikino'amawaaganag gaye gaa-aakoziwaadiziwaad, gemaa igi ginwesh

gaa-bii'owaad ji-bizindawindwaa. Giishpin gikino'amawaaganag odibaakoiwewiniimiwaa' (gemaa wiinawaa gaa-ganootamaadizowaad gikino'amawaaganag) wii-aabajitoowaad AHP, dibaakoniwewinini o-daa-bizindawaa gaa-mazinaateseg ji-aabajchigaadeg. Mii dash ge-izhi-onwaadamowaapan aaniin apii dibaakoniwewin ge-ayaamagak. AHP daa-ayaamagan aana-ozhiitaasigwaa giishpin inendamomowaad igi gedagwiiwaad, ji-odaapinamowaad izhichigewinan ishkwaa-dibaakoniwewaad.

Gii-ani-ishwkaaseg, ji-giizhichigaadeg iwe IAP, iwe AHP gii-ani-aabadan, ji-bizin-dawindwaa gikino'amawaaganag; gii-dibaakoniwewag gikino'amawaaganag gii-shpin gaa-dagwiiwaad gaa-inendamowaad gemaa gaawiin gaye dash giishpin "ozhiitaasigwaa ji-bizindawindwaa" ayaasigwaa mazina'iganan.

Baamaa naagach ayaamagakin Bizindaagewinan gemaa Gibitinigaadegin:

Gii-waabanjigaade 2011 gii-izhiseg, 20% bizindaagewinan gaawiin gii-izhisesi-noonan, 40% ini gii-ayaamaganon apii gaa-gii-izhising ji-ayaagin. Gii-ishkwaa-dazhindamowaad igi Gaa-naagaji'iwewaad, gii-izhichigewag ji-ayaamagakin ini bizindaagewinan apii ge-gii-ayaamagakin. Giishpin gibitinigaadegin 10 daso-dwaate daa-ayaamaganon ini bizindaagewin-an, ji-ikidod awe dibaakoniwewinini gaa-niigaaniitang. Awe dibaakoniwewinini o-daa-wiidanokiimaa' ini gaa-dagwiinid ji-manaa-gibitina-mowaad iwe bizindaagewin, gaye o-daa-diba'ige'aawaan ini gaa-gashkitoosig ji-izhaad imaa bizinaagewining. 2013 gii-izhiseg, iwe Gaa-naagaji'iwewaad gii-ikidowag ji-inaakonigeng ji-dazhiikigaadegin ini gii-gibitinigaadeg bizindaagewin, aabajchigaadeg iwe Dibakoniwewin Nakobii'igan, gaye 2015 gii-izhiseg, gii-achigaade ozhibii'igan ji-dazhimindwaa igi gaa-atooisigwaa wiindamaage-ozhibii'iganan.



IAP bezhig iwe gaa-gii-ayaamagak imaa Nakobii'iganing.

debinigaadegin daabishkoo gwayak gii-ayaamagak iwe mooshkinebii'igan, gakina gii-debinigaadegin mazina'iganan ge-ziidoshkaagama-gakin dibaakoniwewining, dibaajimowin, gaye ishkwawaach achigaadegin diaajimowinan, gaye ge-ayizhiid gikino'amawaagan ji-noojimod; gaye gaa-dagwi-iwaad ji-ozhibii'amowaad e-aabajichigaadeg iwe SFD.⁴³ Iwe SFD gaawin gii-ayaamagazinoon giishpin gikino'amawaagan gii-ganootam-aazod; giishpin gaa-gii-maanzhidoodaaged gaa-giigidod gaye gaa-ikidod e-gii-doodanzig; gemaa giishpin gaa-debwetawaasiwind awe gikino'amawaagan. Giishpin gaa-gashkitood jidebinang SFD, gikino'amawaagan o-daa-andooshaan ji-dibaajimind gemaa godak gegoon/ Gakina gaa-dagwiwaad o-gii-ayaanaawaa ji-ganawaabanjigaadeg iwe SFD bak-aan dibaakoniwewinini ji-waabandag gaawin dash aapiji iwe gii-izhisesinoon.

Dibakoniwewin Nakobii'igan

Dago gaye dibaakoniwewinan gii-dazhiikamowaad dibaakoniwewininiwag bizind-aagewining, IRSSA gii-ikidowag Gaanada gaye gikino'amawaagan ji-dazhiikamo-waad dibaakoniwewin imaa Dibakoniwewin Nakobii'igan (NSP) Iwe NSP gii-aabajichigaade ji-waabanjigaadeg gaa-gii-izhised gikino'amawaagan gii-ganoonigod Gaanada gaa-ganootamaagod gaye gii-izhise awe gikino'amawaagan odibaakoniwewininiiman gaye Gaanada ji-onwaadamowaad diba'amaagowin.

Gii-ishkwaa-aabajichigaadegin ini nawach gaa-minosegin izhichigewinan, nawach gii-baatiinadanoon NSP 572 2011 gii-izhised biinish 742 e-ani-biboong. Awashime 4,400 gii-dasinoon ono dinookaanan dibaakoniwewinan, gemaa ngoji 13% gakina gaa-gii-biindigajigaadegin IAP mooshkinebii'iganan. Weweni gii-waabandamowaad igi gaa-dagwiwaad gaa-gii-onji-gashkijigaadegin 99% dibaakoniwewinan NSP ji-debinigaadegin gii-gaagiidong.

Ji-gashkichigaadeg Naasaab ji-izhi-dibaakoniweng:

Iwe IRSSA gii-ikidomagan: "Igi dibaakoniwewininiwag... da-gagwe-izhichigewag naasaag gii-dibaakoniwewaad gakina weweni ji-inaakoniwewaad."⁴⁴ Mii dash awe Ogimaa-Dibaakoniwewinini gaye gaa-wiiji'igod dibaakoniwewinini-wa' gii-gikino'amaagewaad gaye gii-maawaji'aawaad dibaakoniwewininiwa' ji-di-baajimowaad wegonen maawach gaa-minosenig, gaye ji-mino-wiijiindiwaad.

Dibaakoniwewin gaye Diba'igewin Ji-debinigaadeg:

Gaa-dakwaagin Ikidowinan:

Iwe IRSSA gii-ikidomagan aaniin ge-izhised giizhichigaadegin ini dibaakoniwewinan, bezhig maagizhaa 6 biinish 10 daso-baakiiginan. Gaa-gii-inigokwaagin ini dibaakoniwewinan, mii Gaa-naagaji'iwewaad gaa-inendamowaad ji-onwaajigaadeg endaso-dibaakoniwewin ginwesh ji-dazhiikigaa-deg gaye ginwesh ji-bwaadiba'amawind gikino'amawaagan. Gii-nisidawinigaade aanind gikino'amawaaganag giishpin ondiziwaad gakina gegoo ji-miigiwewaad gakina mazina'iganan ge-dibaajimoomagakin gakina gegoo gaa-gii-izhisedg awe gikino'amawaagan ji-gashkitood gaye noojimowin. Godag gikino'amawaaganag maagizhaa daa-minwendamoog ji-ondiziwaad wiiba ji-giizhichigaadeg iwe diba'amaagowin gaye ji-debinamowaad iwe diba'amaa-goowin. Gaye gii-ishkwaa-bizindaageng, awe dibaakoniwewinini gaye godag gaa-gii-dag-wiwaad gii-ikidowag aaniin ge-doojigaadeg iwe dibaakoniwewin. Maagizhaa nawach ji-dakwaag iwe ikidowin gii-doojigaade, gaye gii-ozhibii'igaa-dewan wiinzowinan igi gaa-gii-dagwiwaad iwe apii.

Gii-ishkwaa-gaganooaawaad ini gaa-gii-dagwiinid gaye gii-ikidowaad igi NAC gaa-ayaawaad, iwe Gaa-naagaji'iwewaad eya gii-ikidomagan ji-dakwaag (SFDs) ji-bimizha'igaadeg gaa-gii-maajii'aabadag January 2010 gii-izhised. Iwe SFD gii-ikidomagan gaa-daswewaanaagakin diba'amaagowinan gaye gaa-aa-pitendaagwak diba'amaagowin ge-miigiwed awe dibaakoniwewinini. Ini SFD gii-ayaawan gii-

⁴³ Giishpin Aname'ogamig gaa-izhizhawaasig awiyan ji-ganootamaagod bizindaa-gewining, Gaanada o-daa-atoon SFD ji-ganootamaagowaad.

⁴⁴ IRSSA, Dibinjigewin D, sec. III m (i) gaye (ii)

Ji-mashkawiimagak mikigaadeg ge-izhichigeng IAP doojigaadeg, awe Ogimaa-Dibaakoniwewinin gaye gaa-wiiji'igod dibaakoniwewininiwa' o-gii-wiidanokiimaa-waan ini Gaa-naagaji'iwewaad gaye Ozhibii'igewin Gaa-wiijitoowaad ji-ozhitoo-waad ge-izhichigewaad ji-gikino'amaagewaad aaniin ge-izhichigeng. Gii-dazhiikigaadegin ini IAP, awe Ogimaa-Dibaakoniwewinini 11 anookiwinan, 10 gikino'amaage-mazina'iganan gaye 2 gagweji-anookiwinan gii-miigiwe.

Gaye dash, 2010 gii-izhiseg, gii-andooshkiged Gaa-naagaji'iwewaad, iwe dibaakonigewigamig gii-ikidoomagan ji-ayaamagak ge-onizhishing IAP wiindam-aagewinan ji-ozhichigaadegin ge-aabajitoowaad dibaakoniwewininiwag, gaye gi-gikino'amawaagan odibaakonigewininiiman gaye gaa-dagwiiwaad. Gaa-gichi-inendaagwakin IAP inendamowinan gii-agwa'igaadewan ji-gikenjigaa-deg aaniin enendamig ji-wiinjigaadesinogin gaye gikino'amawaaganag owiinzo-winiwaan, gaa-gii-doodaagowaad gaye gaa-gii-waabangewaad.

IAP gii-bagidiniwe awenen igo ji-waabandang mazina'igan giishpin dibaakoniwe-winini gaa-atoosign IAP izhichigan ji-dibaajimod gaa-mikang dibaakoniwewinini. Gikino'amawaaganag bizaanigo gaye o-daa-waabandaanaawaa iwe gaa-gii-izhi-chigeng giishpin gaa-maanzhichigaadegwen gegoon.

Gaa-mamaanzhiid Aanind Dibaakoniwewininiwag':

Aanari IRSSA gii-ikidowag gikino'amawaaganag ji-ganootamaazowaad, gii-nisid-odamom dash IAP gikino'amawaaganag maawach daa-onizhishinini dibaakoni-wewininiwan j-ganootamaagowaad. Dibaakoniwewin Ozhibii'igewigamig gaa-gii-izhi-wiindamaaged gii-ikido "gakina igi gaa-dagwiiwaad gaa-gii-atoowaad owiinzowiniwaan Nakobii'igan gidigoo ji-anokii'ad dibaakoniwewinini ji-wiiji'ig IAP mooshkinebii'igan.⁴⁵

2000 gii-izhiseg, iwe Gaa-okwiinowaad



British Columbia Gichi-dibaakonigewigamig o-gii-webaa-konaawaan dibaakonigewininiwan David Blott gaye odi-niniima' ji-giigidootamawaasig gikino'amawaaganan' IAP gii-ishkwaaseg bizindaagewin 2012.

Gaanada Dibaakoniwewininiwag gii-ikido-wag "gete-gikino'amawaaganag moozhag gaawiin mashkawaadizisiwag, daa-noojimowag, gaye o-daa-wiiji'igowaan dibaakoniwewininiwan" gii-ikidowag Diba-akoniwewin Izhichigewinan ji-aabajitoowaad ge-biminizha'amowaad inanookiwin.⁴⁶ Gewiinawaa Dibaakoniwewinan imaa Ontario gaye Manitoba gaye Waasa Giiwe-dinong gaye Yukon Akiigaaning o-gii-aabajitoonaawaan ini gikino'amaagewinan.

Gii-ani-izhichigaadeg IAP, ngojigo niswaak dibaakoniwewininiwag o-gii-anokiita-wawaa' gikino'amawaaganan', moozhag gii-minochigewag dibaakoniwewininiwag. Aanind dibaakoniwewininiwag gii-mamaanzhiiwag amiidash gaa-izhi-dagwiiwaad Gaa-naagaji'iwewaad Ogimaa-Dibaakoniwewinini gaye Gaa-okwiinowaad Dibaakoniwewininiwag, gaye Dibaakoniwe Izhichigewinan gaye Dibaakonigewi-gamigoon.⁴⁷

Awe maawach gaa-gii-mamaanzhiid Calgary gii-onjiwag Blott gaye Odiniinima' awashime 5,600 gikino'amawaaganan' o-gii-ganootamawaa'. Niizhing gii-giigidowag Dibaakoniwe Izhichigewinan, mii gaa-izhi-nanaando-gike-

nimigowaad Dibaakoniwe-Naagajichigen, gaye gii-bizindawaawag Gichi-Dibaakonigewigamigong Vancouverm 2012 igi Blott gaye Odiniinima' gii-gibitina-awag ji-ganootamawaawaad gikino'amawaaganan' imaa Nakobii'igan.⁴⁸

Mii owe maawach gaa-michaag mamaanzhiiwag gaa-gii-izhichigewad dibaakoni-wewininiwag, gaawiin eta iwe bezhig. Naanigoding, Ogimaa-Dibaakoniwewinini gii-dibaajimo aanind gikino'amawaaganan' gaa-ganootamaagowaad dibaakoniwewininiwan e-gii-maanzhidoodaagowaad gii-zaagjiwebinaawag igi dibaakonigewininiwag ji-dibaakonigesigwaa miinawaa. February 2013 gii-izhise, Gichi-Dibaakonigewigamig British Columbia gii-ikidowag ji-bakwadinaaganawid dibaakonigewinini IAP ji-anokiisig miinawaa. Ogimaa-Dibaakoniwewinini gaye gii-ikido aanind dibaakoniwewininiwag e-wiidoo-kawaawaad gikino'amawaaganan' e-diba'ige'aawaad dash gii-wiiji'aawaad ji-michi-mooshkinebii'igewaad. 2014 gii-izhiseg, Manitoba Dibaakonigewigamig Desabiwin gii-inaakonigewag gaawiin ji-diba'ige'aasiwindwaa gikino'amawaaganan' ji-mooshkinebii'igewaad.

⁴⁵ Iwe Gete-gikino'amadiiwigamig Dibaakoniwewin Ozhibii'igewigamig, "Ndaa-aa-baji'aa na dibaakoniwewinini doodamaan iwe IAP mooshkinebii'igan?"

⁴⁶ Gaa-okwiinowaad Dibaakoniwag, Resolution 00-04-A, August 19-20, 2000.

⁴⁷ Gichi-Dibaakonigewigamig British Columbia. *Fontaine v. Gaanada (Gichi-Dibaakonige-ogimaa)*, 2012 BCSC 839.

⁴⁸ *Fontaine v. Gaanada (Gichi-Dibaakonige-Ogimaa)* 2014 MBQB 113.

A pii gii-gibitinindwaa Blott gaye Odiniima' ji-dagwiisigwaa IAP dibaakoniwewi-ning, gete-dibaakonige-ogimaa gii-inaa ji-wiiji'aad ini gikino'amawaagana' ji-izh-aanid bakaan dibaakonigewininiwigamigong. Gii-izhi-wiiji'ewe 'enwaazod ji-aanji'iwed' awenen dibaakoniwewinini ge-wiiji'aad gikino'amawaaganan ji-izhichiged egod Ogimaa-Dibaakoniwewininiwan. August 2012 gii-izhiseg, Ogimaa-Dibaakoniwewinini o-gii-ozhibii'aan mazina'igan *Ezhibagozendaming Dibaakonigeng IAP* ji-zoongichigaadeg ji-maanzhichigesig-waa dibaakonigewininiwag, gii-ikidong e-ani-akiiwang. Dibaakoniwewinini Ozhibii'igewigamig gaye o-gii-ozhibii'aan Mazina'igan Ge-aabaji-toowad Dibaakonigewininiwag e-wiindamaagemagak aaniin ge-ayizhiing IAP da-zhiikigaadeg, aaniin maawach ge-onizhishing gaye ge-aabadakin.



Iwe Gikino'amaadiiwigamigooon Dibaakoniwewigamig Ozhibii'igewigamig o-gii-maajinizha'aanaawaan niibiwa mazina'iganan ji-wiindamawindwaa anishinaabeg ishko-niganing, gaye godak gaye IAP gaa-wii-mooshkinebii'ig-ewaad aaniin ge-izhichigewaad IAP gemaa ADR wii-dagwiwaad ji-debinamowaad ozhibii'iganan ge-ziido-shkaagowaad wii-dibaakoniwewaad.

IAP Wezhibii'igaadegin:

Iwe IRSSA gii-ikidomagan IAP bizindaagewinan gaawiin awenen igo ji-waaban-danzig gaye IAP dibaajimowinan gaye gaawiin awiya odaa-waabandanziiyan.⁴⁹ Naasaab iwe apii, gii-ikidom gikino'amawaaganan "ji-gashkitood ji-de-binang wezh-ibii'igaadenig gaa-gii-ikidong [gii-bizindawind] ji-ganawenjigaadeg ngoji gaa-gii-ikidowaad Debwewin gaye Onashiwewin (TRC).⁵⁰

Wiiba igo, iwe Gaa-naagaji'iwewaad gaye Dibaakoniwewin Ozhibii'igewigamig o-gii-dazhindaanaawaa iwe TRC gaa-gii-ikidomagak ji-wiindamawindwaa IAP gikino'amawaaganan an ge-izhi-ganawendamowaad IAP mazina'iganan. Gii-zanagan aaniish gaawiin mashi gii-onwaadesinooon aaniin ge-izhichigaadegib-an iwe ge-izhi-ganawenjigaadegin, daa-zanagan "ji-ikidong ge-ateg" imaa. Naagach, aapiji niibiwa bizindaagewinan gikino'amawaaganan gii-ashodama-waawag gaawiin awiya ji-gikendanzig gaa-gii-ikidowaad, gaawiin gaye gii-debini-gaadesinooon ge-izhi-ganawenjigaadegin ini dibaajimowinan.

Gaye dash Gaa-naagaji'iwewaad o-gii-ozhitoonaawaa "IAP Gwayak Izhichige-win" ge-waabanjigaadeg giishpin minwaabamaasiwind dibaakonigewinini gemaa awiya gikino'amawaaganan gaa-ganootamawaad IAP inake, ji-nanaando-gikeni-mind gaye ji-gwayakosind. 2014, NAC gii-ikidomagan, British Columbia Gichi-Dibaakonigewigamig ji-miigi-wemagag Inaakonigewin ge-izhi-aabadak iwe Gwayak Izhichigewin gaye o-gii-on-asaan Bikish Ge-Ayaanid ji-wiiji'iwed Dibaakonigewigamig Gaa-naagajitoonid. Biinish gii-ishkwaaseg IAP, awe Bikish Gaa-Ayaanid Ji-wiiji'iwed o-gii-waabandaa-nan gaa-maanaabanjigaadegin daabishkoo gii-awi'indwaa gikino'amawaaganan zhooniyaan gaye noojigo gii-izhi-diba'ige'indwaa gikino'amawaaganan.

Naagajichigaadeg gaye Ganawenjigaadeg IAP Mazina'igan Gakina:


Mazina'iganan Naagajichigaadegin:

Ozaam e-gii-baatiinadakin ini mooshkinebii'iganan, gii-onizhishin daataanginigan-ing ji-izhi-aa'aazhawinizha'igaadegin mazina'iganan gaa-dagwiwaad ji-ayaawaad. Gaa-ishkwa-ikidowaad igi Gaa-naagaji'iwewaad, iwe gaa-naagaji'iwemagag Dibaakonigewigamig 2010 gii-izhiseg gii-andojigewag Dibaakonigewigamigong Gaa-naagajitood ji-ozhitood ge-izhi-ganawenjigaadegin ini mazina'iganan. Niso-biboon gii-izhiseg, awashime 250,000 mazina'iganan gii-izhinizha'igaadewan owe inake daataanginiganing ji-izhisegin.

Mii dash gaye Dibaakonigewigamig Inaakonigewin gii-ozhichigaade 2011 gii-izhiseg ji-aabajichigaadeg Ge-izhi-aa'aazhawisegin Mazina'iganan: ge-izhi-gashki-toowaad gikino'amawaaganan odibaakoniwewininiimiwaa' ji-waabandamowaad aaniin ezhisenig odibaakoniwewiniwaa, gaye ji-atowaad wiindamaagewin imaa. Gii-minose e-ondinigaadeg wenizhishing wiindamaagewin ji-gikendamong aaniin ezhiseg dibaakoniwewin, ji-odaapinigaadeg gegoon gaa-gibishkaagemagak.

⁴⁹ IRSSA, Dibinjigewin D, sec. III O (i) gaye Aanikebii'igan II (iv)

⁵⁰ IRSSA, Dibinjigewin D, sec. III o (ii)



Gete-niigaanii Shelley Trevethan nitam ogaganoonaan gikino'amawaaganan Zepheria Joseph imaa Vancouver IAP Ishkwaawaach Wiindamaagewining.

Iwe MyRecordsMyChoice.ca gii-ozhichigaade ji-wiji'iwe-magak ji-wiindamawindwaa IAP gaye ADR gaa-wii-dibaakoniwewaad aaniin ge-gii-doodamowaad omazi-na'iganiwaan gaa-gii-aabajitoowaad ji-ziidoshkaago-waad gii-dibaakoniwewaad.

2 012 gii-izhiseg TRC gii-ikidowag ji-gagwe-maawadoonamowaad gakina ini IAP dibaajimowinan gikino'amawaaganag ji-ikidowaad gemaa gaawiin. Mii dash TRC gaye Ogimaa-Dibaakoniwewinini gii-andooshkigewag ji-wiindama-wind Gaa-naagajichiged Dibaakonigewigamig ji-wiindamaaged aaniin IAP dibaajimowinan ge-doojigaadegibaniin, ishkwaseg iwe IAP.

Gaa-ishkwaa-inaakonigewaad Ontario Gichi-Dibaakonigewigamig gaye Ontario Dibaakonigewigamig Gagwedwewin, iwe Gaanada Gichi-Dibaakonigewigamig gii-ikidomagan gikino'amawaaganag o-daa-dibendaanaawaan odibaajimowiniwaan.⁵¹ Gichi-Dibaakonigewigamig gaye gii-ikidomagan gakina ADR gaye IAP mazina'iganan gaa-ganawendang Dibaakoniwewin Ozhibii'igewigamig ji-jaagizigaadegin ini eta mooshkinebii'iganan, gaa-gii-inaajimowaad gikino'amawaaganag gaye gaa-biindweseg, gaye dibaakoniwewin IAP dibaamaagowinan. Ini "IAP mazina'iganan" daa-ganawenjigaadewan baamaa September 19, 2027 izhiseg, bizaanigo gikino'amawaagan o-daa-andooshkaanan omazina'iganan gemaa ji-ganawenjigaadegin nepich, ji-aabajichigaadegin gikino'amaageng gaye imaa NCTR

ganawenjigewigamigong.⁵² Ishkwaaseg dash, giishpin gikino'amawaaganag andawendazig omazina'iganan gemaa ji-achigaadegin imaa NCTR, ini mazina'iganan daa-jaagizigaadewan.

Gii-ishkwaa-ikidong aaniin ge-doojigaadegin ini IAP dibaajimowinan, giyaabi gaawiin o-gii-gikendaziinaawaa aaniin ge-izhi-webinamowaad IAP mazina'iganan. Gii-ikidom January 2020 gii-izhiseg, Ontario Gichi-Dibaakonigewigamig ji-inind Gaanada ji-ozhitood aaniin Dibaakonigewigamig ge-izhi-ganawendang dibaajimowinan, Mazina'iganigamigong gaye Gete-ganawenjigewigamig Gaanada gaye NCTR. Megwaa gaa-ozhibii'igaadeg o'o IAP dibaajimowin, gaamashi Gaanada gaa-inaad Dibaakonigewigamig izhisesinon, NCTR gii-nakwetaan iwe ikidowin.⁵³

IAP Bizindaagewinan - Enendamowaad Gikino'amawaaganag, Godak awiyag, gaye Gaa-gii-dagwiiwaad

Gaa-inendamowaad gikino'amawaaganag

gaye igi gaa-wijitwaawaad ji-izhise-magak owe IRSSA dibaajimowin maawach nisawiya'ii ayaamagan IAP. Dibinawe ji-noondawindwaa igi gaa-dagwiiwaad imaa IAP, awe Dibaakoniwewin Ozhibii'igewigamig niizhwayag gii-izhichigewag ngojigo nisobiboon. 2013 gaye 2014, 23 gii-dasinon okobiwinensan omaa miziwe Gaanada Akiing awashime 125 gii-dagwiiwag awiyag edazhindamowaad aaniin enwaadeg IAP gaye aaniin ge-izhi-dibaabanjigaadeg aaniin gaa-gii-izhi-minoseg. Mii dash Dibaakoniwewin Ozhibii'igewigamig o-gii-wiidanokiimaawaa Anishinaabe oko-izhichigewinan ji-okobiwinaawaad miinawaa 37 daswewaan gikino'amawaaganag ansihaabe oko-izhichigewinan, gaa-wiidookaagewaad, izhitwaawining gaa-wiidookaagewaad, aanikanootamaageg, anami'ewiniwag, Gaanada, dibaakoniwewiniwag aye Dibaakoniwewin Ozhibii'igewigamigong gaa-anokiiwaad. 254 gete-gikino'amawaaganag gaye 72 igi gaa-gii-dagwiiwaad gaye igi gaa-gii-anokaadamowaad IAP gii-gaganooaawag. Gaye Dibaakoniwewin Ozhibii'igewigamig o-gii-miinigowaa' mooshkinebii'iganan 24 dibaakoniwewiniwag gaa-gii-ganootamawaawaad giigikino'amawaagana.⁵⁴

⁵¹ Gaanada (Gichi-Dibaakonige-Ogimaa) v. Fontaine, 2017 SCC 47 (CanLII), [2017] 2 SCR 205.

⁵² Iwe NCTR gii-ozhichigaade ji-nepiji-ategin gaa-gii-maawadoonigaadegin dibaajimowinan megwaa TRC gii-izhichigewaad, amii dash enwaadeg ji-dibaajimong, jidebweng, gaye ji-gwayakisiigeng gaye ji-noojimong. Gichi-gikendaasooigamigong Manitoba ayaamagan. Dibaakonigewigamigong gaye gii-ikidomaganon awe Ogimaa-Dibaakoniwewinini ji-wiindamawaad IAP gikino'amawaaganan' bizaanigo ji-ikidowaapan aaniin ge-izhisemagakin ini IAP dibaajimowinan: Fontaine v. Gaanada (Gichi-Dibaakonige-Ogimaa), 2018 ONSC 4179.

⁵³ Fontaine v. Gaanada (Gichi-Dibaakonige-Ogimaa) [Dibaakoniwewin Ozhibii'iga-nan], 2014 ONSC 4585, aff'd 2016 ONCA 241, aff'd 2017 SCC 47.

⁵⁴ Gaa-dagonigaadegin omaa ikidowinan gii-onjimaganoon imaa gaagiigidowining gaye mooshkinebii'iganan.

Gii-ayaamagan wiindamaagewin ji-debinamowaad gete-gikino'amawaaganag ji-gikendamowaad iwe IAP gaye aaniin ge-izhi-mooshkinebii'igewaad. Gegaa aabita (45%) gikino'amawaaganag Dibaakoniwewin Ozhibii'igewigamig gaa-gii-ganoonaawaad gii-ikidowag e-gii-noondamowaad IAP imaa onji. Aanind inawemaaganag, wiiijiwaaganag, anishinaabe oko-izhichigewinan, anishi-naabe ozhibii'igewigamigoon gemaa dibaakonigewininiwag gii-wiindamaagewag. Awashime aabita gaa-gii-dagwiiwaad gii-ikidowag e-gii-minwaabandamowaad ono dazhinjigewinan, e-gii-nisidotamowaad, e-gii-gitaabadak, weweni e-gii-ondi-namowaad wiindamaagewin gaye izhitwaawin e-gii-bizinjigaadeg. Gegaa gakina 80% gii-ikidowag iwe IAP gaa-gii-wiindamawindwaa e-gii-wiiji'igo-waad ji-mooshkinebii'igewaad gaye ji-dibaakoniwewaad, e-gii-minwendamowaad iwe IAP mazinaatesijigan. Giyaabi dash, niibiwa awiyag gii-inendamooq nawach niibiwa ji-gii-gagwe-wiind-amawindwaaban Giiwedonong gaa-ayaawaad.

Amii gaye gaa-inendamowaad awiyag bebakaan e-onjiimagak wiindamaagewin Settlement Agreement e-gii-nisidotanzigwaa ngoding. Bezhiq gikino'amawaagan odibaakoniwewininiiman gii-ikido owe:

"Aanind gikino'amawaaganag gaawiin o-gii-gikendanziinaawaa mayaa awenenag igi gaa-gii-dagwiiwaad gaa-inwaazowaad. Gaawiin ngikendaziin giishpin gaa-gaganoonidiwaagwen gaa-daswewaanagiziw-aad Gaanada Ogimaa gaa-igowaad ji-wiindamaagewaad iwe Nakobii'igan."

Gegaa gakina gikino'amawaaganag (94%) gii-ikidowag e-gichi-inendaagwak ji-wiiji'indwaa mooshkinebii'igewaad ezanagitaagwakin gaye ezanagendamowaad e-mikwendamowaad gaa-gii-izhi-nishiwanaaji'indwaa. Niibiwa gikino'amawaaganag dibaakoniwewininiwaa o-gii-wiiji'igowaa'. Gikino'amawaaganag gaa-gii-anokii'aasigwaa dibaakoniwewininiwan o-gii-minw-aabandaanaawaa wiindamaagewin Dibaakoniwewin Ozhibii'igewigamig gaa-gii-miigiwed ji-wiiji'indwaa Gikino'amawaagan Ziidooshkige Anokiimaaganag (CSOs):

"[Ni-JCSO n-gii-wiiji'ig gakina mazina'iganan ji-mawadoonigaadegin. N-gii-gaganoonig; apane ngii-g gaawiin awiya bakaan ji-gikendang. [Wiin] n-gii-ganoonig ako e-gagwejimid aaniin enamanji'owag."



Mino-ayaawin Ziidooshkaage-anokiimaagan Ray Thunder -child gaa-izhi-dibendaagozid imaa Anishinaabe Gikin-o'amawaaganag imaa British Columbia, dewe'ige meg-waa gii-bizindawindwaa gikino'amawaaganag imaa Vancouver.

Imaa dash bizindaagewining, gegaa gakina (78%) gikino'amawaaganag gii-ikido-wag e-gii-minwaabandamowaad gaa-gii-dazhi-bizindawindwaa. Igi gaa-gii-maanaabandamowaad, daa-gii-onizhishin nawach mangisagaagiban gemaa waaseyaagiban. Bezhiq gii-ikido, "Maawach ngii-zhiingendaan anaamisag gabeshiwigamigong gii-danakamigak." Gega gakina igi gikino'amawaaganag gii-ikidowag e-gii-minwaabandamowaad anishinaabe izhitwaawin gii-dagwiiimagak. Bezhiq gikino'amawaagan gii-ikido:

"Anishinaabe izhichigewinan gaye izhitwaawin gii-gichi-wiiji'iwemagan. Gaawiin ngii-gikendaziin; ngii-goshkwendaan niibiwa izhitaawin gidayaamin. N-gii-goshkwendaan niibiwa ngwana ngii-wanitoon anishinaabewichigewin."

Amii gaa-inendamowaad gaa-ziidoshkaagewaad gaye gichi-ayaag ji-gii-gikino'am-awindwaaban izhitwaawin igi gaa-gii-dagwiiwaad bizinaagewining. Bezhiq gii-ikido:

"Gakina gaa-gii-dagwiiwaad daa-gikino'amawaawag IRS gaye ezhisemagak bimaadiziwin ishkonganing."

Gegaa gakina gikino'amawaaganag gaa-gii-biinaawaad awiya' ge-ziidoshkaago-waad gii-minwendamooq, nawach gii-na'endamooq. Aanind dash gii-wii-nishike-izhaawag gemaa gaawiin o-gii-andawenimaasiwaa-waa odinawemaaganiwaa' ji-noondaminid gaa-gii-doodawindwaa. Bezhiq gikino'amawaagan gii-ikido, "ngoding gaawiin ginandawenimaasiig ji-gikendamowaad aaniin gaa-izhiseyin".

Awashime 90% gikino'amawaaganag gii-ikidowag e-gii-minwaabandamowaad e-gii-ayaamid gaa-ziidoshkaagewaad gaa-gii-wiiji'igowaad ji-nisidotamowaad. Awashime 75% gikino'amawaaganag gii-ikidowag gaa-ziidoshkaagewaad o-gii-wiiji'igowaa onoojmowiniwaang e-gii-gaganoonindwaa, e-ayaawaad gaye imaa.

"[Gaa-ziidoshkaaged anokiimaagan] gii-minochige. N-gii-wiiji'ig apane go gii-dibaakoniewaan. Gewiin e-gii-izhaad gikino'amaadiwigamigong, o-gii-nisidotaan gaa-idamaan. Nawach gii-onji-wendan. N-gii-debwetaan gaawiin ji-wiindamaagesig gaa-ikidowag."



Gikino'amawaaganag daa-wiiji'aawag ji-mooshkinebii'a-mowaad IAP Mooshkinebii'igan.



William Herney Eskasoniing gaa-onjiid gii-dagwii imaa gii-ganoonindwaa gikino'amawaaganag Nova Scotia.



Gikino'amawaagan Laurel Curley, Six Nations ishkoniga-ning gaa-onjiid Grand River FN, gii-dagwii gewiin egaga-noonind Ishkwaawaach Wiindamaagewining imaa Brantford, ON.

Niibiwa gikino'amawaaganag o-gii-minwaabandaanaawaa dibaakoniwewinini e-ayaanid obizindaagewiniwaang, e-gii-ozhiitaanid weweni (86%), gaye e-gii-nisi-dotaagwaad (76%), gaye e-gii-gagwedwed weweni, gaye e-gii-manaaji'igowaad (75%) apane go. Amii gaa-inendamowaad gikino'amawaaganag owe gaa-gii-izhichigeng maawach e-gii-inendamowaad wiinawaa e-bizindawindwaa weweni. Bezhig gikino'amawaaganag gii-ikido:

"Awe dibaakoniwewinini n-gii-manaaji'ig gii-gagwejimid gaa-gii-izhiseyaan gii-izhaayaan gikino'amaadiwigamigong. Gaawiin nin-gii-ositaawendanziin gaa-gii-izhi-gagwejimigooyaan. N-gii-nakwetaanan gakina, dibinawe, edebweyaan, gwayak igo."

Aanind dash gii-ikidowag e-gii-inendamowaad e-zanagitaagwag wiinawaa eta dibaakoniwewininiwag ji-nisidotamowaad, e-gii-zanagitamowaad giigidowin.

Gii-waabanjigaadeg bizindaagewin, 90% minik gakina dibaakoniwewinan o-gii-gashkitoonaawaa gikino'amawaaganag ji-diba'amawindwaa Dibaakoniwewin Nakobii'igan gii-izhichigeng. Bezhig Gaanada gaa-ganootamawaad owe gii-ikido:

"Niibiwa ini dibaakoniwewinan gii-gashkichigaadewan ji-diba'amawind awe giki-no'amawaagan gaye e-gii-diba'amawind gii-ishkwaakamigak. Gaawiin omaa apii daa-gii-gashkichigaadesinon ji-diba'amawindwaa gikino'ama-waaganag iwe minik gaa-gii-gashkichigaadeg."

Zhaagooch dash aanind gikino'amawaaganag gaye godak gaa-gii-dagwiiwaad gaawiin o-gii-minwaabandanzinaawaa gaa-gii-izhichigeng ozaam e-zanagak e-gii-inendamowaad gaa-gii-izhi-maanzhidoodawindwaa. Bezhig gikino'amawaagan gii-ikido:

"Gaawiin daa-gii-izhichigesiiwag ji-diba'amowaad minik gaa-gii-izhised awiya. Gaawiin o-daa-gii-aabajitoosiinaawaa iwe dinookaan dibaabanjigewin."

Aaniin wiin ini gaa-nishiwanaajisewaad gaa-inawendiwaad? Iwe dash wiin maanendamowin? Gii-maajiwinaawag abinoojiiyag, gii-biigonigaadewan inawenjigewinan. Gaawiin miziwezisiwag ndinawemaaganag."

Ngoji go 60% gikino'amawaaganag gii-ikidowag e-gii-minwaabandamowaad gaa-gii-izhi-diba'amawindwaa. Iwe naasaab minik gii-ikidowag awe dibaakoniwewinini e-gii-wiindamaaged weweni gaa-gii-onji-inaakoniwed. Gegaa aabita gii-ikidowag e-gii-dibaakoniwewaad IAP wewiib, gaawiin ginwesh. Gegaa gakina o-gii-minwaabandaanaawaa minik gaa-izhise gi-diba'amawindwaa gaawiin ginwesh e-gii-bii'isigwaa.

Minik gaa-gii-diba'amawaawaad odibaakoniwewininiimiwaan aanind gaawiin o-gii-minwendaziinaawaa gikino'amawaaganag gaye godak. Niibiwa gii-ikidowag gaawiin awashime 15% minik daa-gii-diba'igesiiwag, gakina iwe Gaanada ji-gii-diba'ang. Bezhig gikino'amawaagan gii-ikido, "Amii niin enendamaan imaa IAP gaawiin 15% minik ndaa-gii-diba'igesii." Bezhig gikino'amawaaganag odibaakoniwewininiiman gaawiin gii-inendanziin gaa-wiin 15% minik deminik gii-izhisesinon gaawiin gii-diba'igaadesinonon aanind gegoonan gaa-gii-dazhiikang dibaakoniwewinini. Niibiwa bebakaan gii-inendamowag igi gaa-gii-dagwiiwaad gaa-inendaagwak ezhi-diba'amawindwaa dibaakoniwewininiwag, 74% minik gikino'amawaaganag o-gii-minwaabandaanaawaa.

Niibiwa gikino'amawaaganag gii-ikidowag maawach gaa-gichi-inendaagwak gii-izhaang imaa IAP gaawiin wiin aapjii diba'amaagoowin, iwe gii-gashkitoowaad ji-dazhindamowaad gaa-gii-izhisewaad maawach gaa-gii-gichi-inendaagwak. Bezhig gikino'amawaagan gii-ikido:

"Niin maawach nin-gii-wii-dibaadondaan e-gii-wanitoowaan ndizhitwaawin, nin-dizhigiizhwewin, eshkiime-mamaandaawizwin, ombigi'aawasowin, gaye apii gii-nishiwanaaji'd mekadewikanawewikwe. Mii iwe dibaajimowin gaa-gii-wii-dibaajimo'aaan. Gaawiin wiin aapjii awe zhooniyaa."



O-gii-gichi-inendaanaawaa niibiwa gikino'amawaaganag gii-dibaajimowaad gaa-gii-doodawindwaa gikino'amaa-diiwigamigong IAP izhichigewining.

Gaa-gii-gikenjigaadeg:

Gii-ani-ishkwaaseg iwe IAP, gichi-inendaagwan ji-waabanjigaadegin ini gaa-gii-gikenjigeying gaa-gii-izhisewaad gikino'amawaaganag gikino'amaadiiwigamigong gii-doojigaadeg iwe IRSSA.

E-gichi-inenimindwaa Gikino'amawaaganag:

- Ji-dazhinjigaadeg gaa-gii-izhi-nishiwanaaji'igooying o-gii-zanagendaanaawaa igi gaa-gii-izhisewaad gaye odinawemaaganawaa, anokiimaaganag gaye godak IAP. Gaa-ziidoshkaagewaad gii-wiiji'iwewag giyaabi ji-maanzhidoodaagowaad gii-dazhindamowaad gaa-gii-izhi-nishiwanaaji'indwaa gikino'amawaaganag imaa IAP gii-dagwiwaad gaye ji-mino-ayaawaad ji-noojimowaad. Ziidoshkaagewin gii-ayaamagan bizhishig iwe apii. Gii-izhichigewag ji-ziiidooshkawindwaa gikino'amawaaganag waasa giiwedonong gaa-ayaawaad gaye igi gaa-ayaasigwaa daawin, gaye igi giba'odiwigamigong gaa-ayaawaad, dibaakoniwewininiwag gaye ji-wiiji'iwewaad.
- Gikino'amawaaganag o-gii-andawendaanaawaa ji-wiindamawindwaa niibiwa wiindamaagewin ge-nisidotamowaad, ji-anishinaabebii'igaadenig gaye. Ji-gikendamowaad gikino'amawaaganag ji-nisidotamowaad ezhisenig, niibiwa gegoon gii-gojchigaade ji-aabajichigaadeg. Mii enendamowaad gikino'amawaaganag daa-gii-onizhishin giishpin gakina igi gaa-dagwiwaad wiindamaadiwaapan miziwe ji-gikendang gakina awiya imaa gaa-dagwiid.
- Gii-inaawag gikino'amawaaganag ji-onizhishingiban ji-anokii'aawaad dibaakoni-wewininiwan, giyaabi dash igi gaa-gii-izhichigesigwaa o-gii-andawendaanaawaa ji-wiiji'indwaa, ji-ayaawaad ge-aabajitoowaad.
- Gii-inindwaa gikino'amawaaganag ji-odaapinaawaad dibaakoniwewininiwan ge-maa dibaakoniwewikwen gii-onizhishin gaye ge-dazhi-dibaakoniwewaad ji-inend-aagwak edibendamowaad obizindaagewiniwaa. Ini IAP bizindaagewinan miziwe gii-danakamigan, ge-izhi-minosed awe gikino'amawaagan gaa-gii-onji-izhichigeng, gaawin aapiji waasa ji-izhaasig ji-noondawind.
- Gii-diba'igaadeni obimishkaawin awe gikino'amawaagan gaye gaa-ziidoshkaago-waad gakina ji-gashkitood ji-dagwiid gaye ji-onji-ziindanzig gii-dazhiikang owe dibaakoniwewin.
- Gii-dagonigaadeg gaye anishinaabe izhitwaawin imaa dibaakoniwewining gii-onji-minwendamoog gikino'amawaaganag.
- Izhichigewinan daabishkoo iwe Gaa-wanised Gikino'amawaagan Izhichigewin, gaye Nawach Ji-gizhaatabiseg Bizindaagewin, amii ono gaa-minosegin ji-gashki-chigaadeg iwe dibaakoniwewin gaye ji-gashkitoowaad igi gikino'amawaaganag ji-debinamowaad endawendamowaad.
- Gii-ayaawaad imaa gikino'amawaaganag odibaakonigewininiimiwaa' gaye igi dib-aakonigewininiwag gaa-anokiitamaagewaad imaa Gaa-naagaji'iwewaad gaye NAC – gaye Dibaakoniwewin Ozhibii'igewigamig gaa-anokiwaad – gii-onji-minose ji-gashkichigaadeg iwe IAP ji-wiiji'indwaa igi gikino'amawaaganag.
- Gii-gagwe-wiindamawaawag gikino'amawaaganag aaniin ezhised zhooniyaa ji-wiiji'igowaad ji-inwaanaawaad zhooniyaaan ge-diba'amawindwaa gaye ji-onji-gimoodimigosigwaa awiyan gaawin gaa-inwaazod zhooniyaa.⁵⁵

⁵⁵ Nasine owe o-gii-ositaawendaanaawaa. Bezhigwayak, gaawin gikino'amawaaganag gii-inendanziwag ji-wiindamawind-waa aaniin ge-izhi-metinaawaad ozhooniyaaamiwaan. Mii dash aye aaniid dibaakoniwewininiwag gaa-izhichigewaad e-gii-wiindama-waawaad gikino'amawaaganag' aaniin ge-izhi-metinaawaad zhooniyaa, ji-waaba-nda'iwewaad aaniin ge-izhi-ganawenimind zhooniyaa, ji-zhooniyaaakemagak, giyaabi zhooniyaa ji-onjised imaa gaa-gii-miinindwaa, gaawin eta ji-michi-adaawewaad gegoon.

B *akaan ji-aabajichigaadegiban
Dibaakoniwewin Ji-onji-ondizing:*

- Gii-gagwedweng bizindaagewining gii-onizhishin gii-dazhiikigaadegin ini dibaakoniwewinan apiich wiin dibaakonigewigamigong gaa-izhichigeng, memindage gii-gagwejimindwaa gaa-gii-nishiwanaaji'indwaa awiyag. Ini IAP bizindaagewining, nawach gii-agaasinoon nawach gii-na'endam awe gaa-dibaakoniwed gikino'amawaagan, nawach gii-manaaji'aa. Igi gaa-gii-dagwiiwaad imaa IAP gii-ikidowag e-gii-debinigaadeg debwewin nawach apiich wiin dibaakonigewigamigong danakamigangiban, ji-aazhide-ganoonind awe gikino'amawaagan.
- Giishpin aanawi e-gii-gagwejimind awe gikino'amaagan gaa-gii-izhised, giiaabi gakina igi gaa-dagwiiwaad weweni o-gii-gagwejimaawaan ji-manaazomaawaad gaye gaawiin aapiji dibaakonigewi-ikidowinan ji-wanashkwetaagokin. Nawach daa-gii-minose aanjiike giishpin gikino'amawindaabaan ge-ayizhiwaad gakina gaa-dagwiiwaad.
- Gii-ondinigaadegin "mazina'iganan ge-ziidoshkaagemagakin" nayaanch gii-onji-minosemagan owe dinookaan bizindaagewin. o-gii-wiiji'igonaawaa gikino'amawaaganag e-mikwendamowaad gaa-gii-izhise-waad gaa-gii-izhi-maanzhidoowindwaa; igi godag ji-nisidotamowaad epiichi-debwemagakin gaa-ikidong; gaye dibaakoniwewininiwag ji-dibaakoniwewaad. Naasaab dash, e-gii-gashkichigaadeg ji-maamiinobii'igaadegin ini mazina'iganan gii-minose awe gaa-dibaakoniwed nawach dash e-gii-gizhaatabiseg iwe izhichi-gewin aanind goda.
- E-ayaad imaa gaa-gikendaasod gaye gii-wenjichigaade gaawiin ji-onji-wawaane-ndamimaad gaa-gagwejimaad daabishkoo dibaakonigewigamigong gaa-izhise-ako, bebakaan gii-onji-giigidowaad e-giikaandiwaad daabishkoo. Zhaagooch dash gii-aabajii'ind awe dinookaan gaa-gikendaasod ginwesh nawach gii-izhise-magan iwe bizindaagewin apiich wiin ayaasigiban imaa.
- Iwe IAP gii-waabanda'iwemagan gii-bizindawindwaa gikino'amawaaganag aapiji niibiwa dibaakoniwewinan gii-





*Gichi-anishinaabe
David Budd
Wiinibiigong*

gashkichigaadewan. Naasaab dash apii iwe IAP dinookaan izhichigewin gii-izhi-dagwiiwag igi Gaa-naagaji'iwewaad gaa-ayaawaad, gaye dibaakoniwewininiwag gaye gakina igi gaa-gii-dagwiiwaad IAP ji-dazhiikamowaad gakina gegoon.

- Giishpin gii-wiinind godak gikino'amawaagan e-gii-nishiwanaaji'iwed, nawach gii-zanagan ji-dazhiikigaadeg, ji-gikenjigaadeg aaniin mayaa apii iwe gaa-gii-izhise-gaye wegonen gaa-ozhibii'amowaad gaa-gii-anokiwaad gekendamowaad. Bakaan izhichigewaapan ji-dazhiikamowaad ono gii-maanzhidoowaadeg godak gikino'amawaagan daa-gii-minose gii-dazhiikigaadegin gakina dibaakoniwewinan gaawiin wiin memwaach aaniin apii gaa-achigaadeg gemaa gaa-noondaageng.
- Aanind dibaakoniwewinan gaa-dazhimindwaa godak gikino'amawaaganag imaa gaa-dazhiiked awe gikino'amawaagan giiaabi izhidaawag igi godak. Gii-onji-zanagendaagwan ji-noojimowaad ji-gwayakendamowaad igi gete-giki-no'amawaaganag gii-daawaad bezhigwanong. Gii-bizindawaawag weweni ji-gikenjiganiwisigwaa igi gikino'amawaaganag gaa-gii-maanzhidoowindwaa gaye igi

gaa-gii-doodamowaad, gaye ji-minowiijiinding dazhiikewining.

- Gii-ani-gitaadiziwaad gikino'amawaaganag gaa-gii-zhaabwiiwaad, gii-naniizaa-nendaagwan ji-ishkwaa-bimaadiziwaad gemaa ji-gashkitoosigwaa ji-dagwiiwaad odibaakoniwewiniwaang. Gii-gichi-inendaagwan igi gikino'amawaaganag gaa-aakoziwaad gemaa gaa-gitaadiziwaad wewiib ji-dazhiikigaadenigin odibaakoniwewiniwaan.
- Gii-aabajichigaadewan Gaa-dakobii'igaadegin Dibaakoniwewinan (SFDs) ji-ikidong aaniin mayaa ge-ayizhiing amii dash gaa-onji-gizhaatabi-dazhiikigaadegin ini dibaakoniwewinan, gaawiin ginwesh ji-bii'owaad gikino'amawaaganag ji-diba-amawindwaa giishpin gaa-onwaadeg apii gii-bizindawindwaa.
- Gaawiin bizhishig gii-doodanziwag iwe Dibakoniwewin Nakobii'igan (NSP) ji-gii-gizhaatabisegiban iwe dibaakoniwewin gaye nawach bangii zhooniyaa ji-gii-aabadizipan. Iwe Gaa-gizhaatabinigaadeg Bizindaagewin, SFDs gaye NSPs gii-naagwan bakaan izhichigewaapan nawach daa-gii-gizhaatabise gaye nawach bangii zhooniyaa daa-gii-aabadizi.



Gaa-naagajichigewaad Ogimaa Mayo Moran (gichinikaaning) wijiigaabawitawaan Ogimaa-dibaakoniwiniwan Dan Shapiro.

I we e-gii-minoseg dibaakoniwewin gii-onizhishin ji-dazhiikigaadegin ini dibaako-niwewinan weweni gaye naasaab. Gii-izhinaagwan – jiganawaabandamowaad enendamowaad, ge-izhichigewaad, gaye gikino'amaagewin – ji-minoseg naasaab ji-izhichigeng dago bikish ji-dana-nokiwaad igi dibaakoniwewiniwag ji-dazhiikigaadeg endaso-dibaakoniwewin. Gaye dash iwe Gaa-naagaji'iwewaad gaye Ozhibii'igewin Gaa-wijiitoowaad gii-nagishkodaadiwag ji-dazhindamowaad gaye ji-wiindamaagewaad aaniin ge-izhi-chigemagak IAP ngoding gii-zanagendaagwak.

- Bezhig gaa-gii-zanagendaagwak gii-giizhichigaadeg IAP dibaakoniwewin mii iwe ji-gagwedweng Article 12, godak gikino'amaadiiwigamig daa-gii-dagonigaade imaa IRRSA. Amii dash aanind gikino'amawaaganag o-gii-michi-mooshkinebii'aanaawaa IAP gii-ishkwaamaajiseg iwe izhichigewin. Gii-gichi-inendaagwak gakina gete-gikino'amawaaganag ji-gii-dagonindwaaban imaa IRRSA e-inendaagoziwaad ji-ondiziwaad imaa onji, gii-onji-bwaawisemagan ji-giizhichigaadegin dibaakoniwewinan gaye dash gii-inendaagwan aaniin gete-gikino'amawaaganag ji-noonde-aakoziwaad jibwaa-bizindawindwaa. Ji-giizhichigaadeg, gii-ikidom zagakaach ji-giizhichigaadegin ini dibaakoniwewin-an ji-minoseg.⁵⁶
- Ji-giizhichigaadegin gakina dibaakoniwewinan gaye ishkwawaach iwe dibaako-niwewin naasaab ji-izhi-ganawaabanjigaadeg daabishkoo iwe nitam gaa-gii-doo-jigaadeg, gii-inendaagwan ji-wiinjigaadegin gaa-zanagendaagwakin ji-giizhitoo-waad dibaakoniwewinan gaye aaniin ge-doodamowaad iwe ji-izhiseg gwayak. Gii-wiidanokiimaawag gakina gaa-dagwiwaad gaye ogimaawinan gwayak ji-izhiseg aaniin aanind dibaakoniwewinan nitam gii-dazhiikigaadewan gemaa gii-aanjichigenaaniwan.

Dibenindizowin, Naagaji'iwewin gaye Bimiwijiigewin:

- Gaa-naagaji'iwewaad – mii imaa gii-ayaawag gakina gaa-dagwiwaad imaa IRRSA – ji-gwayakobinidiwaad dazhiikamowaad ini IAP dibaakoniwewinan. Ji-gashkichigaadeg iwe, gakina gaa-dagwiwaad bebakaan gii-onji-ganootamaa-gewag, giyaabi dash e-inwaazowaad ji-wijiitoowaad iwe IAP gaa-inaakonigeng imaa IRRSA. Gaye gii-andawendaagozi bezhig bikish Niigaaniishkang – gaawin bezhig ogimaawin ji-izhi-dibendaagozi – ji-nookaadizid gaye ji-nitaa-wiidanokiimiwed.
- Megwaa igi Dibaakonigewigamigoon Gaa-naagaji'iwemagakin o-gii-dibaabandaa-naawaa iwe IRSSA giyaabi igi Dibaakonigewigamigoon o-gii-dazhiikaanaawaan ini IAP dibaakoniwewinan apiich gaa-gii-inendaagwak ji-izhiseg. Gii-ayaasig awiya ji-dazhiikang giishpin awiya bakaan maanaabandag gegoon, ini Dibaakonigewigamigoon gii-ayaawan nitam ji-izhi-maajii-ganoonaad gikino'amawaagan giishpin gegoon gii-wii-dazhindang.
- Bezhigwan apii, aanind gaa-zanagendaagwakin – daabishkoo inakonigewinan gaa-izhi-daadoseg bimiwijiigewin” gaye miinawaa wii-nanaando-gikenjigaadeg godak gikino'amawaagan gaa-gii-nishiwanaajii'aad wiji-gikino'amawaaganan – weweni dazhiikigaadegin, Gaanada ji-izhi-dazhiikang ono agwajiing IAP. Amii gaa-izhi-andawendaagwak ji-gaganoonidiwaad igi gaa-dagwiwaad gaye ji-gagwed-dazhiikamowaad weweni gakina dibaakoniwewinan.

⁵⁶ July 27, 2015 gii-izhiseg, Hon. Madam Dibaakonige-ogimaakwe B.J. Brown imaa B. C. Gichi-dibaakonigewigamigong o-gii-gibitinaanan giyaabi dibaakonigewinan ji-atood Article 12 imaa Nakobii'igan. Ishkwawaach iwe gikino'amaadiiwigamig gaa-gii-dagonigaadeg imaa Article 12 iwe Kivalliq Gikino'amaadiiwigamig February 2017 gii-izhiseg. Gete-gikino'amawaaganag gaa-gii-izhaawaad imaa Kivalliq Gikino'amaadiiwigam-igong gii-miinaawag January 25, 2020 ji-mooshkinebii'omowaad IAP.



*Gikino'amaadiwigamigoon
Dibaakoniwewigamig Ozhibii'igewigamig
gii-waabanda'iwewag ezhichigewaad
gii-maawaji'idiwaad igi Debwewin Gaye
Gwayakosijige-win ngoji omaa akiing.*

I'i IAP gii-inwaade ji-wiiji'ind awe gikino'amawaagan gaa-gii-maanzhidoowind. Gii-izhise ji-gashkitoowaad gikino'amawaaganag ji-ondiziwaad zhooniyaan gaa-gii-maanzhidoowindwa gikino'amaadiwigamigong gii-izhinizha'ondwaa. Naasaab iwe apii, iwe oko-IAP izhichigewin gii-inwaade ji-maamawinindwaa dazhiikewining gaa-ayaawaad ji-noojimowaad anishinaabewichigewining gaye odizhigiizhwewiniwaang ji-wiijiwaawaad owiijiwaaganiwaa' gaye odinawema-ganiwaa'. Iwe oko-IAP gaawiin aapiji gii-aabajichigaadesinoo, ozaamaa gaawiin aapiji gii-gikenjigaadesinoo ji-gii-doodamowaapan gikino'amawaaganag gaye gaa-bimi-wijigemagak e-gii-izhisesinog wiiba iwe IAP gii-maajitaamagak. Nawach babenak gikenjigaadegiban iwe izhichigewin gaye nawach wendagiban ji-aabadizid zhooniyaan daa-gii-onizhishin ji-oko-noojimowaad awiyag.

- O-gii-gichi-inishkaagonaawaa gaa-gii-izhaawaad gete-gikino'amaadiwigamigong, gaawiin wiinawaa eta, onijjaanisiwaa' oozhisiwaa, oniiig'igowaa gakina igo. Ami dash gaa-izhi-andawendaagwak ji-zidooshkawindwaa ji-noojimowaad igi ge-ani-ayaawaad ani-akiwaninig. I'i IAP gii-wiiji'iwemagan owe nake: gii-inaawag ji-giigidowaad giishpin gichi-ma-anendamowaad igi gikino'amawaaganag mikwendamowaad gaa-gii-izhisewaad gikino'amaadiwigamigong – giishpin inendang gikino'amawaagan – ji-izhaang imaa bizindaagewining ji-zidooshkaagowaad gichi-ayaa' gaye anokiimaaganag. Niibiwa gikino'amawaaganag gii-ikidowag gii-aabajitoowaad iwe IAP e-gii-min-wendamowaad odinawemaaganiwaa' gaye gaa-izhi-ganawaabandiwaad. Gichi-inendaagwan ji-wiindamawindwaa inawemaaganag gaa-gii-izhiseng

gikino'amaadiwigamigong, ji-zidooshkawindwaa gikino'amawaaganag memindage ini inawemaaganag ge-bi-ayaawaad. Zhaagooch dash daa-gii-aabajichigaadewan nawach niibiwa ini IAP izhichigewin-ing daabishkoo minjinaweziwin, ge-izhi-noojimong, oko-izhichigewinan gaye ji-wiiji'iwewaad gaa-inanokiwaad ji-wiiji'indwaa gikino'amawaaganag.

- Aanawi gii-ayaawaad imaa IRSSA gaye IAP gaye Debwewin gaye Gwayakosijige-win, gaye Gakina Gaa-gii-diba'amawindwaa, gaye Anishinaabe Noojimowin gaa-gii-bimiwijigaadegin bebikish gaye wiinawaa gaa-gii-danakamigiziwaad. Mii dash gaa-izhi-wawaanendamowaad gikino'amawaaganag wegonen ono wiiji-iwewinan gaa-inwaadegin. Nawach babenak waawiji'idiwaapan igi gaa-wiinindwaa daa-gii-onizhishin ji-gii-wiiji'indwaa IRSSA gikino'amawaaganag ji-nisidotamowaad gaye ji-debinamow-aad iwe Nakobii'igan. Daa-gii-izhisemagan ji-nisidotamong aaniin gaa-izhi-maanzhichigemagakin ini gete-gikino'amaadiwigamigoong gakina Gaanada awiyag ji-gikendamowaad.
- Bezhig maawach gaa-gii-zanagendaagwak imaa IRSSA gaye IAP izhichigewining ji-nisidotaming diba'amaagoowin gaye noojimowin gaye gwayakwendamowin. Niibiwa gikino'amawaaganag gii-ikidowag gaawiin e-gii-dagwiisigwaa imaa IAP ji-onji-diba'amawindwaa zhooniyaan e-wii-dibaajimowaad eta gaa-gii-izhi-maanzh-idoowagowaad gikino'amaadiwigamigoon. Owe dash IAP gii-inwaade ji-dibaakoniweng gaye ji-debinigaadeg gwayakwenda-mowin gaa-gii-izhi-maanzhisewaad gikino'amawaaganag. Diba'amawindwaa gaawiin gii-gibitnigaadesinoo majigeegoon odaanaang.

Naasaab iwe apii, diba'amaagoowin gii-minose ji-nisidawinigaadeg iwe maanzhi-chigewin gikino'amaadiwigamigong.⁵⁷ Ganage noojimowin gaye gwayakwendamowin daa-gii-izhise giishpin igi gaa-gii-bwaawitoowaad dibaakoniwewin wiinawaa gaa-gii-izhisewaad ji-diba'igewaad iwe maanzhichigewinan?

- Gii-bwaa'ishkaamagak gaye gii-gikendaagosinog aaniin ge-doojigaadegin ini IAP dibaajimowinan gaa-gii-maawadonigaadegin,



Dibaakoniwewininiwag Gwayakosijigewin o-gii-dazhin-daanaawaa gii-maawaji'idiwaad Debwewin Gaye Gway-akosijigewin Edmonton.

Zhaagooch dash gakina iwe gaa-gii-izhise, gaa-gii-zanagendaagwak gaye gaa-gii-gashkichigaadeg, iwe IRSSA gaye IAP amii igiwe anishinaabeg gaa-gii-gichi-inishkaagowaad maawach; abinoojiyag gaa-gii-nishiwanaaji'indwaa miigaanind-waa, oniiigi'igomaag gaa-gii-wani'aawaad oniijaanisiwaa'; gaa-gii-zhaabwiiwaad zhaagooch gaa-gii-zoongide'ewaad; gaye godak giyaabi gaa-gagwe-dazhiikamo-waad gaa-gii-maanzhisewaad; anishinaabe ogimaag dazhiikewinining gaa-ziiido-shkawaawaad gete-gikino'amawaaganag gaye igi gaa-gikendamowaad giyaabi gaa-izhi-maanzhidoodawindwaa inawemaaganag; Anami'ewininiwag gaa-gagwe-gwayaksidoowaad gaa-izhi-debweyendamowaad gaye gaa-gii-doojigemaganinig anami'ewigamig; ogimaag gaa-gii-izhaawaad bizindaagewining, gaa-gii-inaawaad gikino'amawaagana' e-minjinaweziwaad gaa-gii-izhisenid; dibaakoniwewininiwag gaa-gii-gagwe-izhitamaagewaad ge-izhi-noojimong gaye ondinamaagewaad diba'amaagoowin; igi gaa-gii-nakwetamowaad giigidowinan endaso-giizhig, endaso-dwaate, igi gaa-giimaanendamowaad; dibaakonigewininiwag gaa-gii-izhaawaad ishkoninganing gemaa aakoziwigamigong ji-wiiji'aawaad gikino'ama-waagana'; ogimaawining gaa-anokiwaad egaganonaawaad gikino'amawagana'; gaye igi wiijiwaaganag, inawemaaganag, gichi-anishinaabeg, gaa-wiidookaazo-waad, gaa-gii-ziidoshkawaawaad ini gete-gikino'amawaagana'. Iwe IAP dibaajimowin aapiji niibiwa dibaajimowinan gii-onjiwan gaa-gii-izhisewaad anishinaabeg gaa-bi-izhiseamagak.

e-gii-ashodamawindwaa gikino'a-mawaaganag gaawin awiya ji-waabandazig ini dibaajimowinan gii-onji-ziindend-amoog gikino'amawaaganag gaye igi IRSSA gaa-gii-dagwiiwaad. Nawach daa-gii-minose giishpin gikendamowaapan aaniin ge-doodamowaad ini gikino'amawaaganag odibaajimowiniwaan gii-maajitaawaad, igi gaa-gii-dagwii-waad – gaa-giizhaabwiiwaad gaye gikino'amawaaganag – ji-gii-gikendamowaa-pan aaniin ge-izhisenigin odibaajimowiniwaan gaye mazina'iganan.


Ishkwaawaach:

Gii-dagonigaade iwe IRSSA, iwe IAP gii-onjiimagan niibiwa daso-biboon e-gii-dazhiikamowaad gikino'amawaaganag ji-diba'amawindwaa gaa-gii-izhi-maanzhi-doodawindwaa imaa anishinaabe gikino'amaadiwigamigong. Nawach gii-michaaw iwe gaa-gii-dazhiikigaadeg ji-noojimowaad gaa-gii-izhisewaad odaanaang ji-izhaawaad ji-gwayakwendamowaad noongom gaye ji-ozhitoowaad ge-onizhishing bimaadizwin ani-akiwang.

Gii-bimiwijigaadeg iwe IAP niibiwa gegoon daa-naanaagadawenjigaade gaa-gii-izhseg, ji-mikwendamang. Owe gii-dasinoon mooshkinebi'i'iganan 38,276, gaye 25,707 bizindaagewinan gaye \$3.233 biniyan daswaabik gi-diba'amawaawag gikino'amawaaganag. Gaa-gii-apiichi-michaag owe IAP izhichigewin, gii-waabanjigaade aaniin minik anishinaabeg gaa-gii-maanzhidoodaagowaad ini gikino'amaadiwigamigong gaye giyaabi emaanzhichigemagakin dazhiikewining gaye Gaanada Aking.

Niibiwa iwe gaa-gii-izhiseg – daabishkoo gii-gagwejimind gaa-dibaakoniwed, gii-gagwejimindwaa gaye gaa-gikendaasowaad, gaye gii-ondinigaadegin mazina'i-ganan ge-ziidoshkaagemagakin, gii-dazhinjigaadeg ondizwin, izhitwaawin, ziiido-shkaagewin ge-wiiji'igowaad gikino'amawaaganag – niibiwa iwe daa-aabajichi-gaade.

⁵⁷ Niigaan gaagigidowin H imaa IRSSA ikidoomagan: "Owe Nakobii'igan gaawin daa-inendaagosinon igi gikino'amawaaganag gaa-gii-wiinindwaa imaa Class Actions gemaa Cloud Class Action."



Daa-minwendaagwan omaa ji-ikidong IRSSA aazha gii-ishkwaase. Zhaagooch dash gichi-inendaagwan noongom 2020 gii-izhiseg, 3/4 Gaanada Akiing gii-bimaadiziwaag giyaabi gii-ayaagin ini gikino'amaadiiwigamigoon.⁵⁸ Anishinaabeg ogikendaanaawaa aaniin gaa-inishkaagowaad gikino'amawaaganag gii-izhaawaad gikino'amaadiiwigamigong gaye odinawemaaganiwaa'. Niibiwa gaa-anishinaabewisigwaa Gaanada gaa-ayaawaad gaawiin o-gii-gikenda-ziinaawaa e-gii-ayaagin ini anishinaabe gikino'amaadiiwigamigoon.

Ji-nisidawinigaadeg gaa-gii-izhi-maanzhichigemagakin gikino'amaadiiwigamigoon gii-gaanjise Phil Fontaine (gii-Gichi-Ogimaawid Gaa-okobiwaad Manitoba Ogima-akaanag) gii-dibaajimod gaa-gii-izhised gikino'amaadiiwigamigong; iwe IRSSA; gii-ikidod eminjinawezid Gaanada Ogimaa; gaye dash gii-anokiimagak iwe Anishinaabe Noojimowin Izhichigewin. Gii-ani-gichi-minosemagan gii-maawadoonigewaad Debwewin gaye Gwayakochi-gewin Izhichigewin e-gii-gashkitoowaad awiyag ji-dibaajimowaad gaa-gii-izhise-waad gaye e-gii-mazinaatesemagak owe dinookaan gikenjigewin. Iwe gii-onjiseemagan gikendaasowin, gikendaasowining onjiimaan nisidotamowin; gaye nisidotamong onjise gwayakosijigewin noojimowin gwayakwendamowin.

Iwe IAP gaawiin naasaab gii-izhi-gikendaagosinooon daabishkoo godak ini gaa-mikoonjigaadegin. Gii-izhichigaade endaso-bezhigowaad anishinaabeg ji-dibaakoniwewaad gaye ji-ondiziwaad gaawiin awenenigo ji-gikendang enakamigiziwid, wiin eta, bizaanigo ji-dibaajimod gaa-gii-nishiwanaaji'igod gikino'amaadiiwigamigong. Naasaab dash iwe apii gii-ayaamagan imaa Nakobii'igan, e-gii-onji-gikenjigaadeg aaniin gaa-doojigemagakin ini gete-gikino'amaadiiwigamigoon omaa Gaanada Akiing.

Iwe IRSSA – gaye IAP – gaawiin o-gii-wawezhitoosiinaawaa maanzhichigewin. Gwayakosijigewin gaawiin giizhichigaadesinooon, giyaabi bizhishig dazhiikigaade iwe gaa-gii-izhiseemagak mewinzha. Noongom niibiwa dibaajimowag debaajimowaad mazinaatesewining daabishkoo e-dazhinjigaadegin ini gete-gikino'amaadiiwigamigoon, gaawiin eta mewinzha, giyaabi sa go, gaye dash ge-ani-akiwang. Ganabach giyaabi niibiwa da-anokaade iwe noojimowin. Iwe dash IRSSA gaye IAP o-gii-maamawiikaanaawaa igi Anishinaabe niigaaniig gaye igi Ogimaawin gaye Anami'ewigamigoon niigaaniig gaye igi gete-gikino'ama-waaganag gaa-gii-dibaadodamowaad gaa-gii-izhise-waad, ji-ozhichigaadeg ge-onjiimagak noojimowin gaye gwayakosijigewin. Endaso-giizhig dazhiikigaade iwe anokiwiin giyaabi gaa-anokaadamowaad ini gaa-naanaagadawenjigaadegin.

⁵⁸ Statistics Gaanada, *Endashiwaad awiyag July 1st, endasobibooneewaad gaye inini-wiwaagwen, Adoowin 17-10-0005-01*, April 27, 2020, <https://doi.org/10.25318/1710000501-eng>.



Gete-gikino'amawaagan Geronimo "Fish" Henry waab-anda'iwe aaniindi gaa-gii-izhi-ozhikodang owiinzowin imaa asiniikaaning Mohawk Institute gii-gikino'amawind imaa Brantford, ON.

Gichi-anokiiwin iwe, zanagan, da-onizhishin dash ge-onjiseg imaa.

Aapiji gichi-andawendaagwan ji-achigaadegin gaa-gii-izhisemagak mewinzha odaanaang ji-gashkitooying ji-zoongiziying ani-akiiwang... Gi-daa-gojitoomin ji-wiijiindiying ji-nisidawinamang gaye ji-manajitooying ge-onizhishing niigaan. Debwemagan gaa-gii-izhiseying gi-ga-wiiji'igomin ji-mino-ayaaying gaye ji-gwayakosijigaadeg gegoon.

- Gete-gikino'amaadiwigamigong Nakobii'iga, Izhisijigan "N"

Mzinaazganan nji Michael Tansey, Eric Lefebvre, Christi Belcourt minwaa IRSAS wiindmaageyin gdo dbaajmowin mzinaatesjige

